


尚史

世家




漢書門類			
三八	一七	一九	號
三二	一	架	函

內閣文庫	
三八一九	漢書
三二	冊
一五	架



內閣文庫	
番號	漢 8819
冊數	32 (23)
函號	286 88

至十

六



尚史



襄平李錯鐵君甫纂世家八

吳世家

始武王十三年終元王四年凡六百五十年傳三十世

太伯



周章

吳太伯弟仲雍太王之子王季歷之兄也季歷賢而有聖子昌
 太王欲立季歷以及昌於是太伯仲雍二人乃犇荆蠻斷髮文
 身示不可用以避季歷韓詩外傳太王賢昌而欲季為後也太
伯去之吳太王將死謂曰我死汝往讓
兩兄彼即不來汝有義而安太王薨季之吳告伯仲伯仲從季
而歸羣臣欲伯之立季季又讓伯謂仲曰何以處之仲曰刑有
所謂矣要于扶微者可以立季季遂立孔子曰太伯獨見王季
獨知伯見父志季知父心故太王太伯王季可謂見始知終而
能承志矣論衡太王薨太伯還季歷三讓不可季歷立是為王
季○應劭曰常在水中故斷其髮文其身以象龍子故不見傷

尚史

吳越陳蔡世家卷八

害 太伯之犇荆蠻自號勾吳正義太伯居梅里荆蠻義之從而歸之千

餘家立為吳太伯韋昭注武王追封為太伯卒皇覽冢在吳縣北梅里聚去城

十 無子弟仲雍立是為吳仲雍仲雍卒吳地志仲雍冢在吳鄉常熟縣西海虞山上與

言偃冢 並列 子季簡立季簡卒子叔達立叔達卒子周章立是時武

王克殷求太伯仲雍之後得周章周章已君吳因而封之又封

周章弟虞仲于周之北故夏墟在河東太陽縣是為虞仲列為諸侯周

章卒子熊遂立熊遂卒子柯相立柯相卒子彊鳩夷立彊鳩夷

卒子餘橋疑吾立餘橋疑吾卒子柯盧立柯盧卒子周繇立周

繇卒子屈羽立屈羽卒子夷吾立夷吾卒子禽處立禽處卒子

轉立轉卒子頗高立頗高卒子句卑立是時晉獻公滅周北虞

公以開晉伐虢也句卑卒子去齊立去齊卒子壽夢立壽夢立

而吳始益大稱王自太伯祚吳五世而武王克殷封其後為二

其一虞在中國其一吳在夷蠻十二世而晉滅中國之虞中

國之虞滅而夷蠻之吳興凡十九世至壽夢又六世而滅吳

史記世家

壽夢

壽夢元年魯成公六年也吳初屬楚壽夢既即位楚殺巫臣之

族巫臣自晉使于吳壽夢說之乃通吳于晉左林堯叟注先是

嘗與中國相通至是以兩之一卒來舍偏兩之一焉司馬法百人為卒二

巫臣困楚乃始通晉十五人為兩車九乘為小偏十五乘為大偏

蓋留車九乘及一兩二十五人令吳習之與其射御教吳乘

尚史

吳越陳蔡世家卷八

二

卑教之戰陳教之叛楚寘其子狐庸使為行人于吳吳始伐楚

伐巢伐徐巢徐楚屬國蠻夷屬于楚者吳盡取之是以始大通吳于

上國二年成七年我入州來楚邑十年成十五年我會諸侯之大夫晉魯

衛鄭于鍾離楚邑吳越春秋壽夢元年朝周適楚觀諸侯禮樂

邾于鍾離魯成公會于鍾離深問周公禮樂因歎而去曰於

乎哉禮也○元年誤十五年襄二年秋九月簡王崩靈王立十六

年襄三年楚公子嬰齊伐我為簡之師簡選練也克我鳩茲至于衡山

使鄧廖帥組甲三百被練三千組甲漆甲成組文被練練袍也以侵我我要

而擊之獲鄧廖其能免者組甲八十被練三百而已嬰齊歸我

伐駕取駕駕良邑也鄧廖亦楚之良也吳越春秋十六年楚恭王怨吳為巫臣伐之

吳子不至十八年襄五年我會諸侯晉魯宋陳衛鄭曹莒邾滕薛齊鄭于戚二十

三年襄十年我會諸侯晉魯宋衛曹莒邾滕薛杞小邾齊于祖二十五年襄十二年秋

九月吳子薨左傳在位二十五年壽夢子四曰諸樊餘祭夷昧季

札

諸樊

諸樊名遏壽夢之子也壽夢薨諸樊即位諸樊元年襄十三年楚共

王卒我侵楚戰于庸浦大敗我師獲我公子黨我告敗于晉二

年襄十四年諸侯之大夫前諸侯會我于向諸樊既除喪將立季札季

札辭固立之棄其室而耕乃舍之秋楚師于棠以伐我我不出

而還我自臯舟之隘要而擊之敗楚師獲其公子宜穀十二年

襄二十四年 楚為舟師以伐我無功而還冬我召舒鳩人叛楚舒鳩楚屬
國十三年襄二十五年 舒鳩叛楚楚伐之我救之大敗我師遂滅舒
鳩冬十二月諸樊伐楚門于巢巢牛臣射之薨左傳在位十三年

餘祭

餘祭號戴吳壽夢之子也諸樊薨餘祭即位餘祭元年襄二十六年

楚秦侵我及雩婁聞我有備而還三年襄二十八年 齊慶封來奔與

之朱方冬十二月靈王崩景王立四年襄二十九年 使公子札如魯

聘夏五月閻弒吳子餘祭吳嘗伐越獲俘焉以為閻使守舟餘

祭觀舟閻以刀弒之左傳在位四年

夷末

夷末號餘昧又號句餘亦壽夢之子也餘祭弒夷末即位二年

襄三十一年 使屈狐庸聘于晉巫臣之子三年昭元年 莒展輿來奔六年昭四年

楚以諸侯伐我克朱方殺齊慶封冬我伐楚入棘櫟麻並楚邑

七年昭五年 楚子以諸侯及東夷伐我我敗其偏師于鵲岸楚師

及汝清楚界我不可入楚子觀兵于坻箕之山而還八年昭六年 楚

伐徐我救之楚伐我我敗其師于房鍾獲宮廐尹鬬棄疾十四

年昭十二年 楚伐徐明年楚弒靈王師還自徐我敗諸豫章獲蕩侯

潘子司馬齧蹠尹午陵尹喜五帥冬我滅州來十七年昭十五年 春

正月夷末薨左傳在位十七年

吳王僚

吳王僚號州于夷末之子也先儒以為諸樊之弟誤夷末薨王僚即位二

年昭七年我伐楚戰于長岸楚大敗我師獲我乘舟餘皇公子光

師夜從之大敗楚師取餘皇以歸七年昭二年夏四月景王崩

子朝作亂悼王既立而崩敬王立楚人復城州來八年昭三年

我伐州來楚及諸侯之師奔命救州來我禦諸鍾離敗頓胡沈

蔡陳許之師于雞父胡子髡沈子逞滅獲陳夏齧夫楚師大奔

楚太子建之母在耶楚召我而啟之冬十月太子諸樊入耶諸樊

王僚之子名同前誤取楚夫人與其寶器以歸九年昭四年我滅巢及鍾

離史記吳之邊邑卑梁與楚邊邑鍾離小童爭桑兩家交怒相

攻滅卑梁吳王聞之大怒亦發兵使公子光因建母家攻楚遂

滅鍾離居巢楚乃恐而城郢呂氏春秋畧同按傳城郢在滅

巢之前史誤十一年昭六年敬王入于成周子朝奔楚十二年昭十七年

我伐楚圍潛楚夏四月公子光弑王僚左傳在位十二年

吳王闔廬名光諸樊之子也初為羣公子楚之殺伍奢也其子

貞來奔貞言伐楚之利公子光曰是宗為戮而欲反其讐不可

從也貞曰彼將有他志乃見鱒設諸于光長岸之役也楚大敗

我師獲乘舟餘皇使隨人與後至者守之環而塹之及泉盈其

隧炭陳以待命公子光請于其眾曰喪先王之乘舟豈唯光之

罪眾亦有焉請藉取之以救死眾許之使長鬣者三人潛伏于

舟側長鬣類楚人曰我呼餘皇則對師夜從之三呼皆送對楚人從

而殺之楚師亂我大敗之取餘皇以歸雞父之役也我伐州來
楚以頓胡沈蔡陳許之師奔命救州來我禦諸鍾離楚令尹陽
句卒楚師燬火滅為燬軍主亡公子光曰諸侯從于楚者衆而
皆小國也畏楚而不獲已是以來吾聞之曰作事威克其愛雖
小必濟胡沈之君幼而狂陳大夫齧壯而頑頓與許蔡疾楚政
楚令尹死其師燬帥賤多寵政令不壹七國同役而不同心帥
賤而不能整無大威命楚可敗也若分師先以犯胡沈與陳必
先奔三國敗諸侯之師乃搖心矣諸侯乖亂楚必大奔請先者
去備薄威後者敦陳整旅英子從之七月戊辰晦遣兵忌晦戰
戰于雞父吳子以罪人三千先犯胡沈與陳一國爭之吳為三

軍以繫于後中軍從王光帥右掩餘帥左吳之罪人或奔或止

三國亂我師擊之三國敗獲胡沈之君及陳大夫舍胡沈之囚

使奔許與蔡頓曰吾君死矣師譟而從之三國奔楚師大奔王

僚十二年

昭二十七年

我伐楚使公子掩餘公子燭庸圍潛使季札

聘于上國光曰此時也弗可失也告縛設諸曰上國有言曰不

索何獲我王嗣也吾欲求之

諸樊兄弟相傳欲以及季札季札不受宜及諸樊之子故云事

若克季子雖至不吾廢也夏四月光伏甲于掘室而享王遂弑

王僚掩餘奔徐燭庸奔鍾吾光即位是為闔廬闔廬三年

昭三十四年

闔廬使徐人執掩餘使鍾吾人執燭庸二公子奔楚楚大夫封而
定其徙闔廬怒執鍾吾子遂伐徐防山以水之滅徐徐子章禹

斷其髮携其夫人以逆闔廬闔廬唁而送之使其邇臣從之遂

奔楚四年昭三十一年我侵楚伐夷侵潛六楚救潛我師還我師圍

弦楚救弦及豫章我師還用伍員之謀也五年昭三十二年我伐越

七年定二年桐叛楚闔廬使舒鳩氏誘楚人桐舒鳩並楚屬國曰以臨我

我伐桐為我使之無忌教舒鳩誘楚人以臨吳吳偽若畏楚師臨已伐其叛國以取媚欲使楚不忌

楚果伐我師于豫章我見舟于豫章偽將伐桐而潛師于巢軍楚師

于豫章敗之遂圍巢克之獲楚公子繁九年定四年楚圍蔡蔡侯

唐侯因闔廬伐楚舍舟于淮汭自豫章與楚夾漢楚令尹囊瓦

濟漢而陳自小別至于大別三戰囊瓦欲奔冬十一月二師陳

于柏舉我師擊之楚師亂大敗之五戰入郢楚子奔隨我師從

之謂隨人曰周之子孫在漢川者楚實盡之天誘其衷致討于

楚而君又竄之周室何罪君若惠顧周室施及寡人以將天衷

君之惠也漢陽之田君實有之隨人卜與之不吉乃辭我曰以

隨之辟小而密邇于楚楚實存之世有盟誓至于今未改若難

而棄之何以事君執事之患不唯一人若鳩楚竟敢不聽命我

師乃退呂氏春秋闔廬選多力五百人利趾者三千人以為前陳與荆戰五戰五勝遂有郢東征至于庾廬西伐至巴

蜀北道齊晉令行中國新論闔廬習武試其民于五湖劍皆加肩流血不肯止十年定五年越入我夏秦

師救楚大敗我師于沂楚地又敗我師于軍祥亦楚地遂滅唐秋九

月夫槩王歸自立與闔廬戰而敗奔楚我師敗楚師于雍澁秦

師又敗我師焚我師于麋又戰于公壻之谿我師大敗闔廬乃

歸吳越春秋闔廬立夫差為太子使太子屯兵守楚留止自治
 游宮室立射臺于安里華池在平昌南城宮在長安闔廬出入
 游卧秋冬治城中春夏治城外治姑蘇之臺旦食組山晝游蘇
 臺射于鷗陂馳于游臺興樂石城走犬長洲越絕書闔廬宮在
 高平里射臺二一在華池昌里一在安陽里南越宮在長樂里
 東到春申君府秋冬治城中春夏治姑胥之臺旦食紐山晝游
 胥母射于軀陂馳于游臺興樂辟塞者吳備候塞也居東城者
 所游城也柴碎亭到語兒就李吳侵以為戰地者也麋湖城者
 所置麋也欒溪城者所置船宮也闔門外郭中冢巫門外冢者
 冰室也婁門外雞陂墟所畜雞使李保養之者也胥門外九曲
 路以游姑胥之臺以望大湖中關百姓者也巫欒城者所置諸
 侯遠客離城也撫侯山者治以諸侯冢次者也古城者所置美
 人離城也述吳記木蘭洲在潯陽江十九年定十年夏五月我伐
 中多木蘭樹吳王闔閭植用構宮殿

越陳于携李大敗我師闔廬傷將指還薨于陘左傳在位十九年

越絕書闔廬冢在闔門名虎邱下池廣六十步水深丈五尺銅
 槨三重墳池六尺玉鳧之流扁諸之劍三千方圓之口三千時
 耗魚腸之劍在焉十萬人築治之取土臨湖口築三日而白虎
 居上故號虎邱述吳記闔廬夫人墓中周廻八里別館洞房迤
 邐相屬漆燈照爛如日
 月金蠶玉燕各千餘隻

夫差

夫差闔廬之子也夫差既立使人立于庭苟出入必謂已曰夫
 差而忘句踐之殺而父乎則對曰唯不敢忘三年哀二楚圍蔡
 師還蔡請遷于我二月夫差敗越于夫椒吳地遂入越越行成我
 及越平闔廬之入郢也召陳侯陳侯不至是年秋侵陳冬洩庸
 如蔡聘遂遷蔡于州來七年哀六我伐陳楚子救陳卒于城父
 八年哀七夫差會魯侯于鄆秋魯伐邾以邾子歸邾茅夷鴻請
 救于我九年哀八我伐魯克武城又克東陽而進遂次于泗上
 我行成及魯盟而還夏齊使來請伐魯魯懼乃歸邾子邾子又

無道夫差討之立其大子草十年哀九年齊侯使辭師于我辭伐魯之

師夫差曰昔歲寡人聞命今又草之不知所從將進受命于君

城邗溝通江淮冬使如魯做師伐齊十一年哀十年夫差會魯侯

郟子伐齊南鄙師于郟齊人弒悼公赴于師夫差三日哭于軍

門之外大夫徐承帥舟師將自海入齊齊人敗之我師乃還秋

復使魯做師冬楚伐陳公子札救陳十二年哀十一年復會魯伐齊

中軍從王胥門巢將上軍王子姑曹將下軍展如將右軍夏五

月克博至于贏並齊邑戰于艾陵大敗齊師獲國書公孫夏問邱

明陳書東郭書草車八百乘甲首三千以獻于魯左淮南子艾傳陵之戰也

夫差曰夷聲陽句吳其庶乎使行人奚斯釋言于晉釋言以辭自解也曰寡人帥不

腆吳國之役役卒也遵汶之上不敢左右唯好之故今大夫國子

與其眾庶以犯獵吳國之師徒天若不知有罪則何以使下國

勝國語反役賜伍員死十三年哀十二年夫差會魯侯于橐皋復徵會

于衛秋會衛侯于郟十四年哀十三年夏夫差會周單子晉侯魯侯

于黃池六月越伐我大敗我師獲大子友入我我告敗于夫差

夫差惡其聞也自到七人于幕下秋七月及晉魯盟吳晉爭先

吳人曰於周室我為長晉人曰於姬姓我為伯卒先晉人穀梁吳夷

狄之國也祝髮文身欲因魯之禮因晉之權而請冠端而襲其籍于成周以尊天王吳王夫差曰好冠來孔子曰大矣哉夫差未能言冠而欲冠也國語吳王會晉于黃池于是越襲吳邊遂至以亂告吳王懼合大夫而謀曰無會而歸與會而先晉孰利王孫雄曰必會而先之吳王昏乃戒令秣馬食士夜中令服兵擐甲係馬舌出火竈陳士卒百人以為徽行百行行頭皆宮帥

攤鐸拱稽建肥胡奉文犀之渠十行一壁大夫建旌提鼓挾經
乘袍十旌一將軍載常建鼓挾經乘袍為萬人以為方陳皆白
常白旂素甲白羽之增望之如茶王親秉鉞載白旗以中陳而
立左軍亦如之皆赤常赤旗丹甲朱羽之增望之如火右軍亦
如之皆立常立旗黑甲烏羽之增望之如墨為帶甲三萬以勢
攻雞鳴乃定既陳去晉軍一里昧羽王乃秉袍親就鳴鐘鼓丁
寧鐸于振鐸勇怯盡應三軍皆謹知以振旅其聲動天地晉師
大駭不出周軍飭壘乃令董褐請事曰兩君偃兵接好日中為
期今大國越錄而造敵邑之軍壘敢請亂故吳王親對之曰天
子有命周室卑約貢獻莫入無姬姓之振也君今非王室不安
平是憂億負晉眾庶不武諸我翟楚秦將不長弟以力征一二
兄弟之國孤欲守吾先君之班爵進則不敢退則不可今會日
薄矣恐事之不集以為諸侯笑孤之事君在今日不得事君亦
在今日董褐將還王稱左疇曰攝少司馬茲與王士五人坐于
王前皆進自剄于客前以酬客董褐既致命乃告趙鞅曰臣觀
吳王之色類有大憂小則嬖妾嫡子死大則越入吳將毒不可與
戰主其許之趙鞅乃令董褐復命曰萊君之言周室既卑諸侯
失禮于天子孤以下密邇于天子無所逃罪今君掩王東海以
淫名聞于天子若有短垣而自踰之况蠻荆則何有于周室夫
命圭有命固曰吳伯不曰吳王君若無卑天子以干其不祥而

曰吳公孤敢不順從君命長弟許諾吳王乃退就幕而會吳公先歆晉侯亞之夫差將以魯侯見晉侯

魯子服何說之乃止既而悔之囚子服何夫差欲伐宋殺其丈

夫而囚其婦人太宰嚭不可乃歸越及我平十六年哀十楚伐

我陳使來弔十七年哀十孔子卒夏我伐慎楚白公勝敗我師

十八年哀十越伐我夫差禦之笠澤夾水而陳越子為左右句

卒使夜或左或右鼓噪而進我師分以禦之越子以三軍潛涉

當我中軍而鼓之我師大亂遂敗說苑越王不墮冬敬王崩元

王立二十一年哀二越圍我二十三年哀二越滅我使夫差

居甬東辭曰孤老矣焉能事君乃縊越人以歸以其左國語夫

曰寡君之師徒不足以辱美請以金王子女賂君之辱句踐曰

昔天以越賜吳而吳不受今天以吳賜越越可以無聽乎請達

吳越陳蔡世家卷八

王前句東吾與君為二君乎夫差曰寡人禮先壹飯矣君若不
忘則室而為傲邑宸宇亦寡人之願也君若曰將殘汝社稷滅
汝宗廟寡人請死又曰使死者無知則已矣若其有知吾何面
目以見負也遂自殺越絕書范蠡數吳王曰王有過五殺忠臣
子胥公孫聖大過者二齊無罪伐之大過者三越王繫于天
皇之位而使其芻蕘秩馬比于奴虜大過者四宰嚭譏諛聽而
用之大過者五吳王曰聞命矣以帛冥吾目吾慚見伍子胥公
孫聖又曰夫差冢在猶高西卑猶位越王侯干戈人一累上以
葬之近太湖拾遺記越謀滅吳孺以江南億萬輸吳為庸保又
有美女夷光修明以貢于吳吳處以椒華之宮貫細珠為簾幃
二人當軒並坐竊窺者謂之神人及越兵入國乃抱二女以逃
吳苑述異記吳王築姑蘇之臺三年乃成上立春宵宮作長夜
飲作天池池中造青龍舟與西施為水嬉于宮中作海靈宮館
娃閣銅溝玉檻梧桐宮在吳宮一名鳴琴川又曰香水溪西施
浴處史記西施之美女以獻于吳吳王幸之每入市人願見
者先輸金錢一文孟子註疏引今本無吳越春秋吳亡後越浮
西施于江令隨鴟夷以終墨子夫差在位二十三年而滅
贊曰闔廬多知卒踐所求及乎水徐肆楚五戰入郢威且立矣

又承之以夫差報越破齊會盟上國當是時吳幾伯嗟夫使其
循道樹德引翼王室庸詎知太伯之裔不遂祚周乎乃養癰于
越食毒宰嚭我所以罷楚者轉授之越威削知奪垂翼海東天
庠人與明夷之上六有之夷其明傷也

越禹之苗裔也

或謂越祝融之後羊斟史伯告禹行天下還歸

大越崩而葬焉至少康思禹迹宗廟祭祀之絕乃封其庶子于

越號曰無餘無餘始受封人民山居雖有鳥田之利地理志

禹利相傳下有羣鳥耘田水經注祖貢纒給宗廟祭祀之費及

復隨陵陸而耕種有補會稽記少康少子號曰于越越國之種

無餘傳世十餘末君微者不能自立焉祀斷絕亦不餘歲有

生而言語曰我無餘君之苗末眾民喜悅共封立之以承越後

號曰無壬無壬生無暉無暉卒或為夫譚輿地志越傳國三十餘葉歷殷至周敬王

時有越侯夫譚夫譚生允常越之興自允常始吳越春秋允常之時與吳王

闔廬戰而相怨伐允常卒子句踐即位是為越王元年魯定公

之十四年也吳王闔廬聞允常死乃興師伐越越王句踐使死

士挑戰三行至吳陳呼而自到吳師觀之越因襲擊吳師吳師

敗于槁李射傷吳王闔廬闔廬且死告其子夫差曰必毋忘越

四年哀二年句踐聞吳日夜勒兵且以報越欲先吳未發往伐之

范蠡諫曰不可句踐曰吾已決之矣遂興師吳王聞之悉發精

兵擊越敗我于夫椒句踐乃以餘兵五千人保棲于會稽吳王

追而圍之句踐謂范蠡曰以不聽子故至于此為之奈何對曰

持滿者與天定傾者與人節事者與地卑辭厚禮以遺之不許

而身與之市句踐曰諾乃令大夫種行成于吳吳不許種還報

句踐句踐欲殺妻子燔寶器觸戰以死種曰吳太宰嚭貪可誘

以利請間行言之于是句踐乃以美女寶器令種間獻吳太宰

嚭嚭乃見大夫種于吳王因說吳王曰越以服為臣若將赦之

此國之利也吳王將許之伍員諫弗聽卒赦越史記世家夫差與越

成句踐說于國人曰寡人不知其力之不足也而又與大國執

讐以暴露百姓之骨于中原此寡人之辜也寡人請更于是葬

死者問傷者養生者弔有憂賀有喜送往者迎來者去民之所

惡補民之不足然後卑事夫差宦士三百人于吳其身親為夫
差前馬國韓非子句踐入官于吳語身執干戈為吳王洗馬句踐之困會稽也喟然歎曰
吾終于此乎種曰湯繫夏臺文王囚羑里晉重耳犇翟齊小白
犇莒其卒王霸由此觀之何遠不為福乎句踐既反國乃苦身
焦思置膽于坐坐卧即仰膽飲食亦嘗膽曰女忘會稽之耻邪
史記世家句踐之地南至于句無北至于御兒東至于鄞西至于姑
蔑廣運百里乃致其父兄昆弟而誓之曰寡人聞古之賢君四
方之民歸之若水之歸下也今寡人不能將帥二三子夫婦以
蕃命壯者無取老婦老者無取壯妻女子十七不嫁丈夫二十
不取其父母有臯將免者以告公令醫守之生丈夫二壺酒一

大生女子二壺酒一豚生三人公與之母生二人公與之餼當
室者死三年釋其政支子死三月釋其政必哭泣葬埋之如其
子令孤子寡婦疾疹貧病者納宦其子其達士潔其居美其服
飽其食而摩厲之于義四方之士來者必朝禮之句踐載稻與
脂于舟以行國之孺子之游者無不鋪無不歆以問其名非身
之所種不食非夫人之所織不衣國呂氏春秋越王若會稽之
求其心有甘脆不足分弗敢食有酒流之江與民同之身親耕
而食妻親織而衣時出行路從車載食以視孤寡老弱之漬病
困窮頽色愁悴不贈者必身自食之英越春秋句踐臣吳至歸
越句踐七年也王曰寡人欲築城立郭分設里閭于是范蠡乃
築作小城周千一百二十一步西北主龍飛翼之樓象天門東
南伏漏石竇象地戶陵門四達象八風城成而怪山自生者琅
琊東武海中山也范蠡曰臣之築城其應天矣崑崙之象存焉
天地卒號以著其實名東武起游臺其上東南為司馬門立增
尚史 吳越陳蔡世家卷八 十四

樓冠其山巔以為靈臺起離宮于淮陽宿臺在高平駕臺在成
邱立苑于樂野燕臺在石室齋臺在襟山句踐之出遊也休息
食室于冰厨越王乃升明堂立政翼翼小心出不敢奢入不敢
侈越王念復吳讐苦身勞心夜以接日目卧則攻之以蓼足寒
則漬之以水冬常冰夏常握火懸膽于户出入嘗之中夜潛泣
泣而復嘯又曰越王既棲會稽范蠡等曰臣竊見會稽之山有
魚池上下二處水中有三江四瀆之流九谿六谷之廣上池宜
于君王下池宜于臣民畜魚三年國當富盈○今本無越絕書
會稽山上城者句踐與吳戰敗棲其中因以下為目魚池又曰
句踐將降西至浙江待詔入吳故有雞鳴墟又曰女陽亭者句
踐入官于吳夫人從道產女此亭養于李鄉句踐勝吳更名女
鄉更就李為語兒鄉又曰龜山者句踐起怪遊臺也車南司馬
門因以炤龜又仰望天氣觀天怪也高四十六丈周五百三十
二步一曰怪山怪山者一夜自來故謂怪山樂野者越之弋獵
處其山上石室句踐所休謀也東郭外南小城者句踐冰室句
踐之出入也齋于稷山往從田里去從北郭門炤龜龜山更駕
臺馳于離邱遊于美人宮興樂中宿過歷馬邱射于樂野之衢
走犬若邪休謀石室食于冰厨領功銓土已作昌土臺藏其形
隱其情一曰冰室者所以備羞膳也北郭外路南溪北城者築
鼓鐘宮也姑中山者銅官之山也越人謂之銅姑瀆長二百五

十里朱餘者鹽官也越人謂鹽曰餘官瀆者工官也富中大姑
者治以為義田為肥饒謂之富中拾遺記初越王入國有丹鳥
夾王而飛故句踐入國起望鳥臺范蠡相越日致千金家僅開
算術者萬人救四海難得之貨以為器銅鐵之類積如山阜或
藏之井鹽謂之寶井奇容麗色溢于閨房謂之游宮句踐欲使范蠡治國政蠡對曰兵甲
之事種不如蠶鎮撫國家親附百姓蠶不如種于是舉國政屬
大夫種而使范蠡與大夫諸稽郢行成于吳句踐自會稽歸七
年拊循其士民士民欲用以報吳大夫逢同諫曰國新流亡今
乃復殷給繕飾備利吳必懼懼則難必至且鷺鳥之擊也必匿
其形今吳兵加齊晉怨深于楚越名高天下實害周室德少而
功多必淫自矜為越計莫若結齊親楚附晉以厚吳吳之志廣
必輕戰是我連其權三國伐之越承其弊可克也句踐曰善越

春秋越王曰吳王好服之離體吾欲采葛織布獻之乃使國中男女采葛作黃絲之布未及遣使吳王賜之書增之以封東至勾甬西至馮李南至姑末北至平原縱橫八百里越王乃索葛布十萬甘蜜九窳文筭七枚狐皮五雙晉竹十度以復封禮吳王得獻乃復增越之封賜羽毛之飾九枚諸侯之服采葛之婦傷越王用心之苦乃作苦之詩○詩但惡不足錄越絕書葛山者句踐罷吳種葛使越女織布獻于吳犬山者畜犬獵南山白鹿獻吳故曰犬山其高為大亭六山者句踐鑄銅鑄銅不爍埋之東坂其上馬箠句踐遣使取于南社徙種六山飾治為馬箠獻之吳又曰邱土城句踐所習教美女西施鄭旦宮臺也女出苧蘿山欲獻于吳恐樸陋故近大道居又曰麻林山一名多山句踐欲伐吳種麻以為弓弦便齊人守之越謂齊人多故曰麻林多以防吳以山下田封功臣射圃者句踐習兵處也射卒陳音死葬民西故曰陳音山獨婦山者句踐將伐吳徙寡婦致獨山上以為死士示得專一也防塢者越以過吳軍也雞山豕山者畜雞豕將伐吳以食士也浙江南路西城者范蠡敦兵城也其陵固可守謂之固陵舟室者船宮也石塘者越所害軍船也杭塢者句踐杭也巫里句踐所徙巫為一里巫山者越魘神巫之官也死葬其上江東中巫葬者越神巫無杜子孫也死句踐于中江葬之巫神欲使覆禍吳人船又曰句踐反國六年皆侍

士民之衆而欲伐吳于是使之維甲維甲者治甲系斷修內矛赤雞稽繇者也越人謂人鍛也方舟航買儀塵者越人往如江也治須慮者越人謂船為須慮亟怒紛紛者怒貌也怒至士擊高文者躍勇士也習之于夷夷海也宿之于菜菜野也致之于單單者堵也述異記句踐得范蠡之謀乃示民以耕桑延四方之士作臺于外而館賢士今會稽山有越王臺今交州麻林一名紆林句踐種麻將以弦弓練頭山句踐貯米于其上春積練為山會稽之上有鑄劍洲箭鏃洲往往得箭鏃拾遺記越王使二人祠昆吾之神採金鑄八劍一槍日二斷水三轉魄四懸翦五驚鯢六滅魂七卻邪八真剛以切玉斷金如削土木韓非子越王入宦于吳勸之伐齊以弊吳吳兵既勝于艾陵張之于江濟強之于黃池故可制于五湖居二年哀十吳伐齊敗之艾陵大夫種曰臣觀吳王政驕矣請貸粟以卜其事請貸吳王與之越乃私喜吳既殺伍員任嚭政居三年哀十吳王北會諸侯于黃池吳精兵從王惟老弱與大子留守史記而越十年不收于國民居有三年之食國之父兄請曰昔夫差耻

尚史
吾君今越國亦節矣請報之辭曰昔者之戰寡人之臯也姑無庸戰父兄又請句踐許之乃致其衆而誓之曰寡人聞古之賢君不患衆之不足而患其志行之少耻也今夫差衣水犀之甲者億有三千不患其志行之少耻而患其衆之不足也今寡人將助天滅之吾不欲匹夫之勇也欲其旅進旅退也進則思賞退則思刑乃發習流二千教士四萬人君子六千人諸御千人伐吳國人皆勸父勉其子兄勉其弟婦勉其夫故敗吳于囿又敗之于没又郊敗之國語吳告急于王王秘之已盟黃池乃使人厚禮以請成越越自度亦未能滅吳乃與吳平韓非子越伐吳王築如皇之臺掘深池罷苦百姓煎靡財貨余為民誅之又曰越王問大夫種曰伐吳可乎對曰君欲知之試焚宮室于是焚

宮室下令曰救火者死比死敵之賞救火而不死者比勝敵之賞不救火者比北降之罪人塗其體被濡衣而赴火者左三千人右三千人又曰越王見怒龍而式之御者曰何為曰龍有氣是歲人有自剄死以頭獻者故越王將復吳試燔臺而鼓之使民赴火者賞在火也臨江而鼓之使人赴水者賞在水也臨戰而使人絕頭刳腹而無顧者賞在兵也墨子越王好士之勇焚舟失火試其士曰越國之寶盡在此親自鼓其士而進之士聞鼓音破碎亂行蹈火而死者左右百人有餘越王擊金而退之淮南子越王一決獄不辜援龍淵而切其股血流至足以自罰而戰武士必其死其後四年哀十年越復伐吳吳士民罷弊輕銳盡死于齊晉而越大破吳因而留圍之三年吳師敗越遂復棲吳王于姑蘇之山吳王使王孫雄肉袒膝行而前請成句踐不忍欲許之范蠡曰會稽之事天以越賜吳吳不取今天以吳賜越越其可逆天乎謀之二十二年一旦而棄之可乎句踐曰吾欲聽子言吾不忍其使者范蠡乃鼓進

兵曰王已屬政于執事使者去不者且得罪吳使者泣而去句

踐憐之乃使人謂吳王曰吾置王甬東君百家吳王謝曰吾老

矣不能事君王遂自殺越絕書安城里高庫者句踐禽夫差以

句踐已平吳乃以兵北渡淮與齊晉諸侯會于徐州致貢于周

周元王使人賜句踐胙命為伯句踐已去渡淮南以淮上地與

楚歸吳所侵宋地于宋與魯泗東方百里當是時越兵橫行于

江淮東諸侯畢賀號稱霸王越絕書句踐平吳春祭三江秋祭

兵徐州致貢周室沛歸于宋浮陵以付楚臨期開陽復之于魯

三遠臣五令曰聞吾過而不告者其罪刑水經注琅琊山名越

王句踐之故國句踐并吳欲霸中國徙都琅琊紀年晉出公七

年於越徙都琅琊越絕書句踐伐吳霸關東從琅琊起觀臺以

望東海孔子從弟子奉雅琴治禮往奏句踐不可孔子辭按

紀年越絕二說謬是時晉久亡孔子亦前卒吳越春秋越王使

人如木客之山取元常之喪欲徙葬琅琊三穿元常之墓墓中

生燦風飛砂石人莫能入遂置而去句踐乃號令齊楚秦晉皆

輔周室秦桓公不如命句踐乃攻秦秦引咎乃還軍人作河梁

之詩說亦謬秦桓公亦久卒淮南子越王句踐斲髮文身無

皮弁播笏之服拘罷拒折之容然而勝夫差于五湖南面而霸

天下泗上十二諸侯皆率九夷以朝韓詩外傳越王使庶稽獻

民于荆王荆王使者曰越夷狄之國也臣請欺其使者荆王曰

越王賢人也子慎之使者出見曰冠則得見不冠不得見廉稽

曰夫越周室之列封也不得處于大國而處江海之陂文身翦

髮今來至上國必曰冠得見不冠不得見如此則上國使適越

亦將劓墨文身翦髮而後得見可乎荆王聞之被衣出謝說苑

越使諸發執一枝梅遺梁王餘說同梁王見春秋後說誤呂

氏春秋客有以吹籟見越王上下宮商和而王不喜或為之野

者而王說之新論越王退句踐薨吳越春秋句踐寢疾謂太子

吹籟之音而好鄙野之聲夷興曰吾自禹之後承元常

之德從窮越之地以摧吳跨江涉淮自致于斯夫霸者之後難

以久立慎之哉遂卒新書范蠡負石而蹈五湖大夫種紫領謝

室深如處車裂回泉自此之後子王鼫與即位紀年于粵子句

句踐不樂憂悲薦至內崩而死踐卒次鹿郢立

六年卒樂資云越語謂鹿郢為龜與王龜與薨子王不壽即位王不壽薨紀年不壽立十年見殺是為盲

姑次朱勾立子王翁即位王翁薨紀年朱勾三十四年滅滕三十五年滅邾三十七年

卒朱勾子王翳即位呂氏春秋越人三弑其君子搜患之逃乎丹穴不肯出越人薰之以艾乘以王與淮南子

子搜越王翳薨子王之侯即位紀年翳三十三年遷于吳三十

王翳也十月粵殺諸咎粵滑吳人立乎錯枝為君明年大夫寺區定粵亂立初無余之十二年寺區弟思弑其君莽安次無顯立無顯

八年薨是為焚燭樂資云號曰無顯蓋無顯後乃次無疆也則王之侯即無余之也王之侯薨子王無

疆即位王無疆時越興師北伐齊西伐楚與中國爭疆當楚威

王時越北伐齊齊威王使人說越王曰越不伐楚大不王小不

伯圖越之所為不伐楚者為不得晉也韓魏固不攻楚韓之攻

楚覆其軍殺其將則葉陽翟危魏亦覆其軍殺其將則陳生蔡

不安故二晉之事越也不至于覆軍殺將馬汗之力不效所重

得于晉者何也言韓魏與楚鄰今令越合于二晉以伐楚然所以重得二晉者何故越王曰所求

于晉者不至頓刃接兵而况于攻城圍邑乎願魏以聚大梁之

下願齊之試兵南陽莒地以聚常鄆之境則方城之外不南淮

泗之間不東商於析鄆宋胡之地夏路以左不足以備秦江南

泗上不足以待越矣則齊秦韓魏得志于楚是二晉不戰而分

地不耕而獲之不此之為而頓刃于河山之間以為齊秦用所

待者如此其失計奈何其以此王也齊使者曰幸也越之不亡

也吾不貴其用智之如目見豪毛而不見其睫也今王知晉之

失計而不自知越之過是目論也王所待于晉者非其河馬之

尚書 吳越陳蔡世家卷八

力也又非可與合軍連和也將待之以分楚衆也今楚衆已分何待于晉越王曰奈何曰楚三大夫張九軍北圍曲沃晉中以至無假之關者三千七百里景翠之軍北聚魯齊南陽分有大此者乎且王之所求者關晉楚也晉楚不關越兵不起是知二五而不知十也此時不攻楚臣以是知越大不王小不伯復讐龐長沙楚之粟也竟澤陵楚之材也

索隱讐當作讐邑名竟澤陵當為竟陵澤復土文勢

脫况越窺兵通無假之關此四邑者不上貢事于郢矣臣聞之圖王不王其敝可以伯然而不伯者王道失也故願大王之轉攻楚也于是越遂釋齊而伐楚楚威王興兵而伐之大敗越殺王無疆盡取故吳地至浙江北破齊于徐州

徐廣曰周顯王之四十六年也紀年

粵子無疆薨後十年楚伐徐州無楚敗越殺無疆之語是無疆為無顛之後紀年不得錄也而越以此散諸

族子爭立或為王或為君濱于江南海上服朝于楚

史記世家

贊曰吳挫于陘志報越卒破之越困于會稽陰謀二十二年卒入吳是故君人者尚其志志王則王志伯則伯矣然困則持解則弛故易于困而有致命遂志也楚據吳上游坎險共之無疆納齊游說與齊惡楚用自殄刈書曰慮善以動動惟厥時不善不時能無殄乎

滿封之于陳以奉帝舜祀是為胡公時帝舜之

自有虞開父為周陶正武王賴其利而封之與黃帝帝堯之女大姬妻其子滿而封之于陳都于宛邱之側與黃帝帝堯之後共為胡公堯子申公犀即位申公費弟相公畢羊即位相公堯立申公子突是為孝公孝公堯子慎公即位慎公當周

力也又非可與合軍連和也將待之以分楚眾也合楚眾已分
何待于晉越王曰奈何曰楚二大夫張九軍北圍曲天晉中以
至無假之關者三千七百里景翠之軍北聚魯齊南陽分有大
不却非無怒乎所求者圖晉楚也晉楚不圖越兵不起是知三
險齊楚與齊惡楚用自念似善曰惡善以備備雖無執不善
限地姑與于困而首姪命數志也楚難吳土漸次劍共之無
入吳長姑吾入晉尚其志志王俱王志所限所矣然因限卦難
贊曰吳對于劉志難卒如之強困于會蘇劍鞘二十二卒
越子年立為王迺為魯對于西南越土強陳于楚
世案
魯之語是無靈為無端之對論平不辭論也
魯于無靈靈對十年葬外餘州無楚姓姓無
而越以此婚語

陳世家

始武王十三年終敬王四十一年
凡六百四十四年傳二十三世

胡公 申公 相公 孝公 慎公 幽公 僖公

武公 夷公 平公

胡公滿者虞帝舜之後也昔舜為庶人時堯妻之二女居于為
汭其後因為氏姓姓媯氏舜已崩傳禹天下而舜子商均為封
國即虞國夏后之時或失或續夏代封虞思虞遂至于周武王克殷紂乃
復求舜後得媯滿封之于陳以奉帝舜祀是為胡公詩注武王時帝舜之
曾有虞闕父為周陶正武王賴其利器用與其神明之後以元
女大姬妻其子滿而封之于陳都于宛邱之側與黃帝帝堯之
後共為
三恪
胡公薨子申公犀即位申公薨弟相公臯羊即位相公
薨立申公子突是為孝公孝公薨子慎公圉戎即位慎公當周

厲王時慎公薨子幽公寧即位幽公元年周厲王二十六年也世家幽公十二年厲王奔彘湖而推之元年當在二十六年十二年厲王奔于彘二十三年

幽公薨子僖公孝即位僖公四年周宣王立三十五年僖公薨

按世家幽公十二年厲王奔彘二十三年幽公卒又云僖公六年宣王即位三十六年僖公卒竊以奔彘之年考之幽公二十三年當共和十一年下距宣王即位裁四年所云僖公六年誤當在四年又按僖公卒于宣王三十二年實在位三十五年而云三十六年亦誤子武公靈即位武公十五年薨子夷公說即位是歲

周幽王立夷公三年薨弟平公燮即位平公七年幽王為犬戎所殺周東徙二十三年平公薨史記世家

文公

桓公

二十三年入春秋

大子免附

文公名圉平公之子也文公元年周平王十七年也文公十年

薨長子桓公鮑即位桓公二十三年魯隱公初即位二十六年

隱四年

衛州吁弑其君請伐鄭以除公子馮夏公及宋公蔡人衛

人伐鄭秋諸侯復伐鄭衛州吁來九月執而殺之鄭請成于我

公不許公子佗諫不許二十八年隱六年鄭侵我大獲二十九年

隱七年我及鄭平佗如鄭涖盟鄭良佐來涖盟妻鄭公子忽三十

年隱八年鄭公子忽來逆女三十八年桓五年春正月甲戌巳丑公

薨傳公疾病公子佗殺大子免國人分散故再赴杜預注甲戌前年十二月二十一日巳丑此年正月六日陳亂故再赴

雖日異而皆以正月起文故但書正月慎疑審事故從赴兩書

○按甲戌當書公子佗作亂事巳丑公薨闕文耳非再赴也公疾病公子佗殺大子免而代之夏葬公左傳謚曰桓在位三

十八年

厲公

厲公名躍桓公之子蔡女之所生也

史世家以公子佗為厲公以躍為桓公長子利公誤

桓公三十八年

桓五年

薨公子佗殺大子免而自立是年秋我及

蔡衛從王伐鄭厲公元年

桓六年

秋蔡人殺公子佗立躍是為厲

公羊陳佗淫乎蔡蔡人殺之轂梁陳侯喜獵淫于蔡與蔡人爭禽蔡人不知其是陳君而殺之

六年桓十年

及宋公魯柔蔡叔盟于折七年

桓十年

秋八月公薨左傳謚曰厲在

位七年

莊公

莊公名林桓公之子也

史世家桓公中子

厲公薨公即位公二年

桓十年

宋人以我及諸侯

齊蔡衛

伐鄭三年

桓十五年

桓王崩莊王立冬

公會諸侯

宋魯衛

于袤

宋地

伐鄭

鄭祭仲逐厲公將納之弗克而還

四年

桓十六年公會

諸侯宋魯衛伐鄭七年

莊元年

冬十月公薨明年春二月葬公

左傳

謚曰莊在位七年

宣公

宣公名杵臼莊公之子也莊公薨公即位公三年

莊四年

夏公

及齊侯鄭伯遇于垂四年

莊五年

我會諸侯

魯齊宋蔡伐衛納惠公十

一年莊十二年莊王崩僖王立十二年

莊十三年

齊侯會我及宋人蔡人

邾人于北杏

宋弒閔公會以平宋亂

十三年

莊十四年

我及齊人曹人伐宋

北杏會故十四年

莊十五年

齊侯會公及諸侯

宋衛鄭

于郵齊始霸十五年

莊十六年齊侯會公及諸侯

宋衛鄭許滑滕魯

同盟于幽十六年

莊十七年僖王

尚史

吳越陳蔡世家卷八

崩惠王立十八年莊九年我及齊人宋人伐魯西鄙二十一年莊

十二年殺大子御寇公子完與顓孫奔齊二十四年莊二十公使

女叔如魯聘二十六年莊二十齊侯會公及諸侯魯宋衛同盟于

幽三十六年僖三齊侯會公及諸侯魯宋衛鄭許曹侵蔡蔡潰遂伐楚

次于陘楚屈完及諸侯盟于召陵轅濤塗誤軍道齊執轅濤塗

秋及江人黃人伐我冬諸侯之師齊魯宋衛鄭許曹侵我我成歸轅濤

塗三十八年僖五夏公及諸侯齊魯宋衛鄭許曹會王世子于首止秋

八月盟于首止鄭伯逃歸不盟三十九年僖六公會諸侯齊魯

曹伐鄭圍新城楚圍許以救鄭諸侯救許乃還四十年僖七世

子欵會齊侯魯公鄭世子華于甯母謀鄭四十年僖七閏月惠

王崩襄王立四十一年僖八世子欵會王入諸侯齊魯宋衛盟于

洮謀王室大四十五年僖十冬十二月公薨明年夏四月葬公

叔帶之難左傳謚曰宣在位四十五年

穆公

穆公名欵宣公之子也宣公薨公即位公元年僖十三年公會

諸侯齊魯宋衛于鹹洧夷病祀且三年僖十公會諸侯前諸盟

于杜邱遂次于匡及諸侯之大夫救徐四年僖十公會諸侯齊

宋衛鄭于淮淮夷病七年僖十公請修好于諸侯以無忘齊桓

之德冬盟于齊九年僖二十公及諸侯宋楚蔡會于孟楚執宋

公以伐宋冬會于薄以釋之十一年僖二十楚伐我以我貳取

于宋故

吳越陳蔡世家卷八

書

焦夷城頓而還十三年僖二十五年楚圍我納頓子于頓十五年僖二十七年

公及楚子諸侯蔡鄭許圍宋冬十二月盟于宋十六年僖二十八年

晉救宋及楚師戰于城濮先犯陳蔡陳蔡奔楚師敗績晉會

諸侯齊魯宋蔡鄭衛莒盟于踐土公如會夏六月公薨左傳謚曰穆在位

十六年

共公

共公名朔穆公之子也穆公十六年僖二十八年薨公即位冬公會

諸侯晉魯齊宋蔡鄭莒邾秦于温天王狩于河陽諸侯遂圍許公元年僖二十九年

十九年齊秦轅濤塗會周王子虎魯侯及諸侯之大夫晉宋盟于翟

泉謀伐鄭五年僖三十年我及晉人鄭人伐許楚侵我及蔡我及蔡

成遂伐鄭六年文元年晉伐衛取戚衛使告于我公曰更伐之我

辭之衛伐晉七年文二年公會諸侯宋鄭及晉士穀盟于垂隴公為

衛請成于晉冬轅選及諸侯之大夫晉宋鄭伐秦八年文三年我會

諸侯之師晉魯宋衛鄭伐沈沈潰沈報楚故衛侯來拜晉成十一年文六年

魯季孫行父來聘十二年文七年公會諸侯魯齊宋衛鄭許曹晉趙盾盟

于扈十三年文八年秋八月襄王崩頃王立十四年文九年楚侵我

克壺邱服晉故秋楚公子朱自東夷伐我我敗之獲公子蔑我懼

及楚平十五年文十年公及鄭伯會楚子于息遂及蔡侯次于厥

貉十八年文十三年夏五月公薨左傳謚曰共在位十八年

靈公

靈公名平國共公之子也共公薨公即位公元年文十四年春

頃王崩匡王立夏六月公會諸侯宋魯衛鄭許曹晉趙盾同盟于新城

二年文十五年公會諸侯晉宋衛蔡鄭許曹盟于扈謀伐齊齊賂晉侯故不

克而還四年文十七年宋弒昭公公孫寧及諸侯之大夫晉衛鄭伐宋

立文公而還初共公之薨也楚人不禮焉公遂盟于晉六年宣元

年楚子侵我遂侵宋晉救陳宋公及諸侯宋衛曹會晉師于柴林

以伐鄭七年宣二年我及諸侯之師晉宋衛侵鄭冬十月匡王崩定

王立十年宣五年楚伐鄭我及楚平晉救鄭伐我十一年宣六年晉

衛侵我十三年宣八年我及晉平楚師伐我取成而還十四年宣九年

年諸侯會于扈公不會晉以諸侯之師伐我晉侯卒乃還公與

孔寧儀行父通于夏姬洩冶諫冬孔寧儀行父殺洩冶十五年

宣十年夏五月公飲酒于夏氏徵舒弒之史記徵舒自立為陳侯誤成公二年

宣十年葬公左傳謚曰靈在位十五年

成公

成公名午靈公之子也靈公遇弒公即位公元年宣十一年公

及楚子鄭伯盟于辰陵冬楚伐我入之殺夏徵舒公奔晉楚因

縣陳既而復封陳二年宣十二年宋伐我衛人救之十年宣十二年公孫

寧及楚公子嬰齊及諸侯魯蔡許諸侯之大夫秦宋衛鄭曹盟于

蜀十三年成五年冬十一月定王崩簡王立十七年成九年晉討鄭

伯貳于楚執諸銅鞮楚侵我以救鄭二十四年成十六年晉侯會周

尹武公及諸侯伐鄭知瑩以諸侯之師侵我至于鳴鹿陳邑遂侵

蔡二十七年襄元年晉會東諸侯魯齊曹邾杞之師侵楚及我秋九月

簡王崩靈王立二十九年襄三年晉會單頃公及諸侯魯宋衛鄭莒邾齊

同盟于雞澤公使袁僑如會求成秋袁僑及諸侯之大夫盟楚

侵我三十年襄四年春三月公薨秋七月葬公左傳謚曰成在位

三十年

哀公

哀公名溺成公之子也成公三十年襄四年薨公即位是年楚

師在繁陽將伐我聞喪乃止我猶不聽命夏楚侵我又使頓閭

我而侵伐之冬我圍頓公元年襄五年公會諸侯晉魯宋衛鄭曹莒邾滕薛

齊吳于戚冬諸侯伐我楚伐我十一月諸侯會于城棣以救之

三年襄七年楚圍我公會諸侯晉魯宋衛曹莒邾于鄆以救我楚執我公

子黃哀公弟公逃歸十三年襄十七年宋伐我十六年襄二十年蔡公子燮

欲以蔡之晉蔡人殺之大夫慶虎慶寅愬公子黃于楚曰與蔡

變同謀楚人以為討黃出奔楚十九年襄二十三年公如楚公子黃

愬二慶于楚楚圍我我殺慶虎慶寅楚人納公子黃二十年襄二十四年

諸侯將伐齊公及楚子蔡侯許男伐鄭以救齊我復討慶

氏之黨鍼宜咎鍼子八世孫出奔楚初陳會楚伐鄭也當陳隧者井

埋木刊鄭人怨之二十一年襄二十五年鄭伐我入之公奔墓使司

馬桓子賂以宗器公免免晉問喪服擁社抱社至示服使其眾男女別而

尚史

吳越陳蔡世家卷八

七

繫以待于朝鄭板社致地而還冬鄭復伐我我及鄭平二十二年襄二十六年公及楚子蔡侯伐鄭二十三年襄二十七年宋合晉楚以

弭諸侯之兵春孔奐會諸侯之大夫晉楚蔡衛鄭許曹于宋秋孔奐及

諸侯之大夫盟于宋二十四年襄二十八年公朝于晉宋之盟故冬十一

月公如楚楚子卒十二月靈王崩景王立二十五年襄二十九年夏

四月葬楚康王公送葬至于西門之外二十八年昭元年公子招

公母會諸侯之大夫晉楚魯蔡宋衛蔡鄭許曹于號三十一年昭四年公會諸

侯楚蔡鄭許徐滕頓胡沈小邾宋淮夷于申秋楚子以諸侯伐吳圍朱方克之執

齊慶封殺之遂滅賴三十二年昭五年公會諸侯楚蔡許頓沈徐越伐吳

三十五年昭八年公有廢疾公子招公子過過亦公弟殺世子偃師而

立公子留夏四月公繼大夫干徵師赴于楚楚人執而殺之公

子留奔鄭秋七月公子招殺公子過九月楚圍我冬十月滅我

殺孔奐葬公左傳謚曰哀在位三十五年

惠公

惠公名吳悼太子偃師之子也楚靈王滅陳蔡不羹陳蔡不羹

因楚公子棄疾入楚靈王自繼及平王即位封陳蔡吳復歸于

陳是為惠公陳以魯昭公八年滅十三年復封凡五年而國復

公六年昭十八年夏五月災陳滅之後一年災至是又災不救火十年昭二十年

夏四月景王崩悼王立王子朝作亂冬十月悼王崩敬王立十

一年昭二十三年吳伐州來楚以我師及諸侯之師救州來吳敗諸

侯

吳越陳蔡世家卷八

吳

侯之師于雞父獲大夫夏鬻十四年昭二十六年冬十月敬王入于成周王子朝奔楚二十四年定四年春二月公薨夏六月葬公左傳謚曰惠在位二十四年

懷公

懷公名柳惠公之子也惠公二十四年定四年薨公即位春三月公會周文公諸侯晉魯宋蔡衛鄭許曹莒于召陵侵楚冬吳

入楚召公公不聽四年定八年秋七月公薨九月葬公左傳謚曰

懷在位四年

閔公

閔公名越懷公之子也懷公薨公即位公六年定十四年顛子

欲事晉而絕我好公孫佗人及楚師滅頓八年哀公元年公會楚子

隨侯許男圍蔡秋八月吳侵我吳召懷公不至十三年哀六年吳

伐我楚救我師于城父十六年哀九年楚人伐我我即十七年哀

年楚伐我吳救我十八年哀十一年司徒袁顛出奔鄭二十年哀十三年

楚伐我冬盜殺夏區夫二十一年哀十四年宗豎出奔楚冬宗豎自

楚復入國人殺之轅買出奔楚二十三年哀十六年孔子卒二十四

年哀十七年秋七月楚滅我左傳呂氏春秋陳有惡人焉曰敦洽讐糜

而盥陳侯見而說之外使治其國內使制其身楚合諸侯陳侯

病使敦洽讐糜往謝焉楚王怪其名而見之客有進狀有惡其

名言有惡其狀楚王怒合大夫而告之曰陳不知其不可使是

不知也知而使之是侮也侮且不知不可不攻也興師伐陳三

月然謚公曰閔在位二十四年陳絕不祀

後喪

贊曰齊桓之世陳方內隸穆共以還楚難興焉然卒不自振及
靈而顛微楚亂胡公之系不其斬而雖然綴疣仰息延喘數世
卒之蔭楚而斃于楚善泗者多水死信夫至陳祀滅而田齊興
為大國者且累世是又聖后之餘烈也夫

季夏八日入夏之蔡買出奔楚二十三年京十二十二年

蔡於楚不益蔡夏圖夫二十一年四平宗登出奔蔡冬宗登自

蔡於楚不益蔡夏圖夫二十一年京十宗登出奔蔡冬宗登自

蔡於楚不益蔡夏圖夫二十一年京十宗登出奔蔡冬宗登自

蔡於楚不益蔡夏圖夫二十一年京十宗登出奔蔡冬宗登自

蔡於楚不益蔡夏圖夫二十一年京十宗登出奔蔡冬宗登自


蔡世家 始武王十三年終定王二十二年
凡六百七十六年傳二十五世

蔡叔度

蔡叔度者周文王子而武王母弟也武王已克殷紂平天下封
功臣昆弟于是封管叔鮮于管封叔度于蔡二人相紂子武庚
祿父治殷遺民武王崩成王少周公旦專王室管叔鮮蔡叔度
疑周公為不利于成王乃挾武庚以作亂周公旦承成王命伐
誅武庚殺叔鮮而放叔度遷之與車十乘徒七十人叔度卒復
封其子胡是為蔡仲史記世家

蔡仲 蔡伯荒 宮侯 厲侯 武侯 夷侯 釐侯

共侯 戴侯



蔡仲名胡蔡叔之子也蔡仲克庸祇德周公以為卿士叔卒乃命諸王邦之蔡王若曰小子胡惟爾率德改行克慎厥猷肆予命爾侯于東土往即乃封敬哉爾尚蓋前人之愆惟忠惟孝爾乃邁迹自身克勤無怠以垂憲乃後率乃祖文王之彝訓無若爾考之違王命皇天無親惟德是輔民心無常惟惠之懷為善不同同歸于治為惡不同同歸于亂爾其戒哉慎厥初惟厥終終以不困不惟厥終終以困窮懋乃攸績睦乃四鄰以蕃王室以和兄弟康濟小民率自中無作聰明亂舊章詳乃視聽罔以側言改厥度則予一人汝嘉王曰嗚呼小子胡汝往哉無荒棄朕命尚書蔡仲薨蔡伯荒即位蔡伯荒薨子宮侯即位宮侯薨子

厲侯即位厲侯薨子武侯即位武侯之時周厲王失國奔共

和行政諸侯多叛周按周武王至共和凡二百八十一年武侯而蔡仲至武侯裁五世恐有脫漏

薨子夷侯即位夷侯十一年周宣王立二十八年夷侯薨子釐

侯所事即位釐侯三十九年周幽王為犬戎所殺周室卑而東

徙四十八年釐侯薨子共侯興即位共侯二年薨子戴侯即位

戴侯十年薨子宣侯即位史記世家

宣侯 二十八年 春秋

宣侯名考父史記世家作措父戴侯之子也侯二十八年魯隱公即位

三十年隱三年平王崩桓王立三十一年隱四年我會諸侯伐鄭州

吁請于宋將除宋公子馮故秋復伐鄭三十五年隱八年夏六月侯薨八月葬

尚史 吳越陳蔡世家卷八

公經于宣侯左傳謚曰宣在位三十五年

桓侯

桓侯名封人宣侯之子也宣侯薨侯即位二年隱十鄭以王命

伐宋我及衛邲不會王命秋宋衛入鄭而以伐戴召我我怒從

伐戴八月鄭圍戴克之取我及宋衛三師五年桓二侯及鄭伯

會于鄧始懼楚也八年桓五我及衛人陳人從王伐鄭鄭敗王

師陳佗殺陳桓公太子而自立九年桓六我殺陳佗立厲公躍

躍我出也十七年桓十宋以我師及諸侯伐鄭十八年桓十桓

王崩莊王立十九年桓十侯會魯侯宋公衛侯于曹謀伐鄭夏

及諸侯伐鄭二十年桓十夏六月侯薨秋八月葬侯蔡本侯爵

卒書侯于葬書公蓋僭稱公也桓侯之葬經左傳謚曰桓在位二

十年

哀侯

哀侯字季名獻舞桓侯之弟也桓侯無子桓侯薨蔡人召獻舞

于陳而立之是為哀侯侯六年莊五我會諸侯伐衛納衛侯朔

侯娶于陳息侯亦娶焉十一年莊十息媯將歸過我侯曰吾媯

也止而見之弗賓息侯聞之怒使謂楚文王曰伐我吾求救于

蔡而伐之楚從之秋敗我師于莘以哀侯歸十三年莊十莊王

崩僖王立十四年莊十我及齊侯會于北杏宋萬弒君侯為莘

故繩息媯以語楚子楚子滅息以息媯歸生堵敖及成王焉迄

尚史

吳越陳蔡世家卷八

三

于是未言楚子問之對曰吾一婦人而事二夫縱弗能死其又
奚言秋楚子伐我入之十八年莊十年僖王崩惠王立二十年九

年周王子頹作亂惠王奔鄭左傳是年侯死于楚留九歲凡立一

十年薨史記世家謚曰哀經傳不載哀侯卒年

穆侯

穆侯名盼哀侯之子也哀侯留楚死國人立子盼是為穆侯侯

十九年僖四年齊侯以諸侯之師侵我我潰遂伐楚二十一年僖六年

楚圍許穆侯將許男以見楚子于武城二十二年僖七年惠王

崩襄王立二十九年僖十四年冬侯薨左傳謚曰穆在位二十九年

莊侯

莊侯名甲午穆侯之子也穆侯薨侯即位侯五年僖九年陳侯請

修好于諸侯以無忘齊桓之德冬及諸侯陳楚盟于齊七年僖二

十一年侯及諸侯宋楚陳會于孟楚執宋公以伐宋冬會于薄釋

宋公十年僖二十四年周王子帶作亂襄王出居于鄭明年晉納王

殺子帶十三年僖二十七年侯及楚陳鄭許圍宋十四年僖二十八年晉

救宋先犯陳蔡陳蔡奔遂敗楚師于城濮夏五月侯會周王子

虎及諸侯晉魯齊宋盟于踐土冬侯會諸侯晉魯齊宋鄭于温

天王狩于河陽遂會諸侯圍許十五年僖二十九年我會周王子虎

及魯侯諸侯之大夫晉宋齊盟于翟泉十九年僖三十年楚侵我

我成晉侵我楚救之晉師歸二十七年文八年襄王崩頃王立二

十九年文十年侯及楚子次于厥貉三十三年文十四年項王崩匡王
立夏晉及諸侯盟于新城我不與三十四年文十五年晉伐我入之
以城下之盟而還冬侯及諸侯晉宋衛陳盟于扈侯薨經傳左
謚曰莊在位三十四年鄭許曹

文侯

文侯名申莊侯之子也莊侯薨侯即位侯五年宣二年匡王崩定
王立侯欲事晉曰先君與于踐土之盟晉不可棄且兄弟也畏
楚不能行二十年宣七年春二月侯薨夏葬公經書左謚曰文在
位二十年

景侯

景侯名固文侯之子也文侯薨侯即位侯三年成二年晉伐齊楚
侵魯衛以救齊侯為左許靈公為右二君弱皆強寇之侵衛遂
侵魯魯及諸侯之大夫盟于蜀經不書蔡許乘楚六年成五年定
王崩簡王立七年成六年楚伐鄭晉救之楚師還晉師遂侵我楚
以申息之師救我晉師還九年成八年晉欒書侵我遂侵楚二十
年襄元年簡王崩靈王立二十七年襄八年鄭侵我獲我公子燮楚
伐鄭鄭及楚平晉于是三伐鄭鄭及晉平三十九年襄十年公子
燮欲以蔡之晉國人殺之四十三年襄十四年諸侯將伐齊楚會
侯及陳許伐鄭以救齊四十五年襄十六年楚會侯及陳伐鄭涉
于汎而歸四十六年襄十七年宋再諸侯之兵公孫歸生會于宋

秋及諸侯之大夫晉楚魯衛盟于宋四十七年襄二十八年侯朝于

晉宋之盟故侯歸自晉入于鄭鄭享之不敬鄭公孫僑曰蔡侯

其不免乎冬十二月靈王崩景王立侯為太子般娶于楚通焉

四十九年襄三十四年夏四月太子般弑侯冬十月葬公左傳謚曰景在

位四十九年

靈侯

靈侯名般景侯太子也般弑景侯自立是為靈侯侯二年昭元年

公孫歸生會諸侯之大夫晉楚魯齊宋于虢尋宋五年昭四年侯

如楚會諸侯楚陳鄭許徐滕頓于申楚以諸侯伐吳圍朱方克

之遂以諸侯滅賴六年昭五年侯會諸侯楚陳許頓伐吳十二年

昭十一年楚子在申召侯侯將往大夫曰王貪而無信唯蔡于感感

憾今幣重而言甘誘我也不如無往侯不可三月楚子伏甲而

饗侯于申醉而執之夏四月殺之刑其士七十人公子棄疾帥

師圍我晉為我請于楚弗許冬十一月遂滅我用隱太子于岡

山使棄疾為蔡公蔡申絕楚平公元年昭十三年復蔡冬十月乃葬

公左傳謚曰靈在位十二年

平侯

平侯名廬隱太子之子靈侯之孫也史記世家作景侯楚平王

即位復封蔡廬歸于蔡是為平侯侯元年魯昭公十三年也三

年昭十五年我逐大夫朝吳八年昭二十年冬十一月侯薨明年三月葬

尚史 吳越陳蔡世家卷八

公傳左謚曰平在位八年

悼侯 大子朱附

悼侯名東國隱大子之子也平侯大子曰朱朱為大子也失位
位在卑不以適子位而以長幼齒及平侯薨朱即位楚大夫費無極取貨于

東國而謂國人曰朱不用命于楚君王將立東國若不先從王

欲楚必圍蔡國人懼出朱立東國是為悼侯穀梁蔡侯東出奔楚東者東國也何

為謂之東也王父誘而殺焉父執而用焉奔而又奔之謂東史記世家平侯立而殺隱大子故平侯卒而隱大子之子東國攻平侯子而代立○按朱出奔而後東國立非東國出奔穀梁誤隱大子楚用之于岡山非平侯殺之史記亦誤侯二年
昭二十二年 夏四月景王崩王子朝作亂悼王居于皇秋王入于王

城冬十月悼王崩敬王立居于狄泉周立王子朝是年六月侯

薨于楚左傳謚曰悼在位三年

昭侯

昭侯名申文侯名申昭侯之高祖不容同名或誤悼侯之弟也悼侯薨侯即位侯

元年昭二十三年吳伐州來我及諸侯之師楚頓胡沈陳許奔命救州來吳

敗諸侯之師于雞父三年昭二十六年冬十月敬王入于成周王子

朝奔楚十二年定三年侯為兩佩與兩裘以如楚獻一佩一裘于

楚子楚子佩之以享侯侯亦服其一囊瓦欲之弗與三年止之

唐侯如楚有兩肅爽馬囊瓦欲之弗與亦三年止之既而唐獻

馬囊瓦歸唐侯蔡人聞之固請而獻佩于瓦瓦朝見侯之徒命

有司曰蔡君之久也官不共也明日禮下畢將死侯歸及漢執

玉而沈曰余所有濟漢而南者有若大川侯歸如晉以子元與大夫之子為質焉而請伐楚十三年定四年侯會周劉子諸侯宋晉

衛陳鄭許曹莒邾頓胡滕薛杞小邾齊于召陵謀伐楚晉荀寅求貨于我弗得乃

辭侯不伐楚夏五月侯及諸侯盟于臯鼬將盟將長我于衛衛有辭乃長衛侯沈不會于召陵公孫姓帥師滅沈以沈子嘉歸

殺之秋楚圍我吳伯嚭為大宰以謀楚侯因之以其子乾與其

大夫之子為質于吳冬及吳子唐侯伐楚敗之于柏舉五戰入

郢十四年定五年魯歸粟于我十五年定六年周儋翩亂王處于姑

猶明年王入于王城二十五年哀元年楚子圍我報栢舉也我降

國人男女以辨楚使我疆于江汝之間我于是乎請遷于吳二

十六年哀二年吳洩庸來納聘而消納師師畢入眾知之侯告大

夫殺公子馯以說哭而遷墓冬遷于州來二十七年哀三年放大

夫公孫獵于吳公子馯之黨也二十八年哀四年春二月侯將如吳諸大

夫恐其又遷也承音懲楚言也公孫翩逐而射之入于家人而薨大

夫文之錯殺翩史記世家作賊利公孫辰出奔吳夏殺公孫姓公孫霍

冬十二月葬公左傳謚曰昭在位二十八年

成侯

成侯名朔昭侯之子也昭侯遇弒侯即位侯十二年哀十六年孔子

卒十四年哀十八年敬王崩元王立十九年哀二十三年侯薨左傳謚曰成

在位十九年

聲侯 元侯 侯齊

聲侯名產成侯之子也成侯薨侯即位侯三年元王崩定王立十五年侯薨子元侯即位元侯六年薨子侯齊即位侯齊四年楚惠主滅我侯齊亡蔡遂絕祀

史記世家

贊曰蔡仲率德改行幹蠱用譽卒享蔡國傳世二十餘雖不克媿美晉衛亦云德之次也顧其竟邊楚舍兄弟而即蠻夷形格勢禁有不得不然者雖然桓侯會鄧懼楚之始及哀侯猶與北杏之會乃緣息啟釁遂寄命于楚屬國焉者累其世不復與盟中國傳曰惡之易也如火之燎于原不可鄉邇其猶可撲滅者其蔡哀侯乎君子固憾之矣逮至昭侯奮迅速飛東即晉而南即吳臯鼫之會栢舉之捷屈蠖求信然而一絕于楚一遷于吳虎噬于前狼顧在後蔡之立國難矣哉

李錯鐵君南恭

曹世家 始武王十三年終敬王三十三年

叔振鐸 大伯聃 仲君平 宣伯侯 孝伯雲

夷伯喜 幽伯彊

曹叔振鐸者周武王弟也武王已克殷紂封叔振鐸于曹詩注州州即之北也叔振鐸薨子大伯聃即位大伯聃薨子仲君平即位仲君平薨子宮伯侯即位宮伯侯薨子宣伯雲即位宣伯雲薨子夷伯喜即位夷伯喜元年周厲王之十六年也夷伯二十二年厲王奔于彘三十年夷伯薨弟幽伯彊即位幽伯九年

聲侯 元侯 侯齊

齊侯名廚成侯之子也成侯薨侯即位侯三年元王崩定王立

十五年侯薨子元侯即位元侯六年薨子侯齊即位侯齊四年

楚惠王滅我侯齊亡蔡遠絕祀

齊侯仲率德政行於齊與平享蔡國傳世二十餘雖不克

姬美晉德亦云德之次也領其竟楚舍兄弟而即繼夷形格

勢勢不可待牙者雖然桓侯會於濮楚之始及哀侯猶與北

齊之會不絕是桓侯之命也楚屬國焉者景其世不復與盟

夷也十而終齊立國難矣姑

明吳畢鯨之會計舉之豨豨難求計然而一豨于豨一豨于吳

尚史

襄平李錯鐵君甫纂

世家九

曹世家 始武王十三年終敬王三十三年 凡六百三十六年傳二十五世

叔振鐸 大伯腓 仲君平 宮伯侯 孝伯雲

夷伯喜 幽伯彊

曹叔振鐸者周武王弟也武王已克殷紂封叔振鐸于曹

州陶邱之北雷 夏河澤之野 叔振鐸薨子大伯腓即位大伯腓薨子仲君平

即位仲君平薨子宮伯侯即位宮伯侯薨子孝伯雲即位孝伯

雲薨子夷伯喜即位夷伯喜元年周厲王之十六年也夷伯二

十三年厲王奔于彘三十年夷伯薨弟幽伯彊即位幽伯九年

弟蘇殺幽伯代之史記世家

戴伯蘇 惠伯兕 石甫附 繆公武

戴伯蘇者幽伯之弟也戴伯元年周宣王已立三歲三十年戴伯薨子惠伯兕即位年表作惠公伯雉註引孫檢曰曹惠伯或名雉或名弟或復名弟兕也惠伯二十五年周幽王為犬戎所殺因東徙益卑諸侯畔之三十六年惠伯薨子石甫即位其弟武殺之代立是為繆公三年薨桓

公即位史記世家

桓公 三十五年入春秋

桓公名終生孫檢曰一作終涅涅音生桓公三十五年魯隱公即位三十七

年隱二年春三月平王崩桓王立五十五年桓十年春正月公薨夏

五月葬公左傳謚曰桓在位五十五年

莊公

莊公名射姑桓公之世子也桓公五十四年桓九年公有疾使世

子朝于魯魯賓之以上卿及享初獻樂奏而歎魯大夫施父曰

曹大子其有憂乎非歎所也明年桓公薨世子即位是為莊公

公四年桓十四年魯侯鄭伯會于曹我致餼五年桓十五年春三月桓王

崩莊王立六年桓十六年魯宋蔡衛會于曹謀伐鄭二十年莊十年莊

王崩僖王立二十二年莊十四年我及齊陳伐宋取成而還二十五

年莊十七年僖王崩惠王立三十一年莊二十三年冬十一月公薨明年

春三月葬公左傳謚曰莊在位三十一年

僖公

僖公名夷莊公之子也莊公薨公即位公元四年莊二十年冬我侵

我羈出奔陳赤歸于我公羊曹羈曹大夫戎將侵曹曹羈諫曰戎衆以無義君請勿自敵也曹伯曰不

可三諫不從遂去之註以曹羈為曹世子亦即僖公蓋為戎所納。按僖公名夷不名赤羈為世子亦無據九年莊三

十二年公薨史記世家謚曰僖

昭公

昭公名班僖公之子也僖公薨公即位公三年僖元年狄伐邢

公及齊師宋師次于聶北救邢夏邢遷于夷儀我師及齊宋城

邢秋八月公會諸侯齊魯宋鄭邾于榿六年僖四年公會諸侯齊魯宋陳

冬我會諸侯之師齊魯宋衛鄭許侵陳七年僖五年公及諸侯齊魯宋陳

會王世子于首止鄭伯逃歸不盟八年僖六年公會諸侯齊魯宋陳

伐鄭圍新城楚圍許諸侯遂救許九年僖七年秋七月公薨冬葬

公左傳謚曰昭在位九年

共公

共公名襄昭公之子也昭公九年僖七年薨公即位是年閏月

惠王崩襄王懼大叔帶之難不發喪公元年僖八年公會王人

諸侯齊魯宋衛許陳盟于洮謀王室也二年僖九年公會宰周公諸侯齊魯

宋衛鄭許于葵邱秋九月盟于葵邱六年僖十年公會諸侯齊魯宋陳

于鹹淮夷病杞且謀王室也八年僖十年楚伐徐公會諸侯前諸侯

盟于牡邱遂次于匡諸侯之大夫救徐秋七月及齊師伐厲以

救徐厲楚與國冬宋伐我九年僖十年公會諸侯齊魯宋陳衛鄭許邢于淮齊桓

公卒五公子爭立十一年僖十年公及宋衛邾伐齊納齊孝公十

二年僖十年我及宋邾盟于曹南曹與盟而不肯致地主禮秋宋人圍我十

四年僖二十一年公及諸侯宋楚陳蔡鄭許會于孟楚執宋公以伐宋十六

年僖二十三年晉公子重耳來十七年僖二十四年周大叔帶作亂王出

居于鄭十八年僖二十五年王入于王城殺大叔帶二十一年僖二十八年

年晉侵我三月入之執公界宋人遂敗楚師于城濮冬諸侯圍

許公復歸于曹遂會諸侯圍許三十年文四年公如晉會正會受貢賦

之政三十三年文七年公會諸侯宋衛陳鄭許晉大夫盟于扈三十四年

年文八年秋八月襄王崩頃王立三十五年文九年秋八月公薨冬葬

公左傳謚曰共在位三十五年

文公

文公名壽共公之子也共公薨公即位公二年文十一年公如

魯朝五年文十四年春頃王崩匡王立夏六月公會諸侯宋魯陳衛鄭許晉

趙盾同盟于新城六年文十五年公如魯朝冬公會諸侯晉宋衛蔡陳鄭許

盟于扈謀伐齊十二月齊侵魯遂伐我入其郛九年文十八年宋武

氏之族作亂以我師伐宋十年宣元年楚鄭侵陳宋公會諸侯宋陳

晉師于棊林伐鄭十一年宣二年冬十月匡王崩定王立十二

年宣三年宋圍我報武氏之亂十六年宣七年公會諸侯晉魯宋衛鄭于

黑壤周王叔桓公臨之以謀不睦十八年宣九年公及諸侯晉宋衛鄭

會于扈十九年宣十年鄭及楚平我及晉宋衛伐鄭取成而還二

十一年宣十一年及晉宋衛同盟于清邱二十三年宣十四年夏五月公

薨秋九月葬公左傳謚曰文在位二十三年

宣公

宣公名廬文公之子也文公薨公即位公三年文十七年公會

諸侯晉魯衛鄭同盟于斷道六年成二年公子首會晉魯衛之師及齊

師戰于寧齊師敗績冬十一月魯及楚平我及魯侯諸侯之大

夫楚秦宋陳衛鄭齊邾薛鄆盟于蜀七年成三年公會諸侯晉魯宋衛伐鄭九年成五年

冬十一月定王崩簡王立十二月公會諸侯晉魯齊宋衛鄭邾杞同盟

于蟲牢十一年成七年公如魯朝秋楚伐鄭公會諸侯晉魯齊宋衛邾杞

救鄭八月同盟于馬陵十三年成九年公會諸侯晉魯齊宋衛鄭莒齊同盟

于蒲晉執鄭伯鄭人立太子髡頑十四年成十年公會諸侯晉魯齊宋衛鄭邾滕伐

秦公薨于師冬葬公左傳謚曰宣在位十七年

成公

成公名負芻宣公之庶子也宣公十七年成十三年公會伐秦薨于

師國人使負芻守負芻殺大子而自立是為成公公三年成十五年

公會諸侯晉魯衛鄭宋齊邾同盟于戚晉侯執公歸于京師諸侯將

見公子欣時宣公庶子即子臧于王而立之欣時奔宋三年成十六年國人

請于晉曰自我先君宣公即世國人曰若之何憂猶未弭而又討我寡君以亡曹國社稷之鎮公子謂子是大泯曹也先君無

乃有罪乎若有罪則君列諸會矣君唯不遺德刑以伯諸侯豈

獨遺諸敝邑敢私布之秋國人復請于晉公歸自京師四年成

七年夏公會周尹子單子諸侯晉魯齊伐鄭六月同盟于柯陵冬

復會伐鄭宋魚石叛六年襄元我會諸侯之大夫晉魯宋衛

宋彭城彭城降晉夏晉伐鄭我及東諸侯之師齊魯次于郕以

待之秋九月簡王崩靈王立七年襄二我會諸侯之大夫晉魯

于戚謀鄭冬復會于戚遂城虎牢鄭人乃成十年襄五公會

諸侯晉魯宋陳衛鄭莒于戚冬成陳楚伐陳公會諸侯晉宋衛

救陳十二年襄七楚圍陳公會諸侯晉魯宋陳于郟以救陳十

四年襄九冬公會諸侯晉魯宋衛莒鄭伐鄭鄭成十一月同盟

于戲十二月復會伐鄭十五年襄十公會諸侯前諸會吳于祖

秋公會伐鄭成鄭虎牢鄭及晉平楚救鄭鄭復從楚十六年襄

公會伐鄭秋七月同盟于亳城北九月復會伐鄭鄭成冬十

二月會于蕭魚十九年襄十我會諸侯之大夫晉魯齊宋衛鄭

公會吳于向夏會伐秦二十一年襄十春三月公會諸侯晉魯

鄭莒鄭薛于溴梁成寅大夫盟二十二年襄十衛石買伐我二

十三年襄十冬十月公會諸侯晉魯宋衛鄭莒同圍齊公薨于

師明年春正月葬公佐傳謚曰成在位二十三年

武公

武公名滕成公之子也成公薨公即位公二年襄十二年公會

諸侯晉魯齊宋衛鄭莒邾滕薛杞小邾盟于澶淵三年襄二十一年公如魯朝公會

諸侯晉魯齊宋衛鄭莒邾滕薛杞小邾于商任四年襄二十二年公會諸侯晉魯齊宋衛鄭莒邾滕薛杞小邾

于沙隨六年襄二十四年公會諸侯晉魯宋衛鄭莒邾滕薛杞小邾于夷儀七年襄二十二年

十五年公會諸侯前諸侯于夷儀伐齊秋七月同盟于重邱八年襄二十二年

十六年衛甯喜弒殤公我會魯侯晉人鄭良霄宋人于澶淵以討

衛九年襄二十七年宋向戌欲弭諸侯之兵夏我會諸侯之大夫楚晉

曾宋齊秦鄭陳衛邾滕蔡許于宋秋七月盟于宋十年襄二十八年冬十一月靈

王崩景王立經書十一月九年我會諸侯之大夫晉魯齊宋衛鄭莒

莒滕薛杞十二年襄三十年我會諸侯之大夫晉魯齊宋衛鄭莒邾滕薛杞小邾

于澶淵宋災故十四年昭元年我會諸侯之大夫晉楚魯齊宋衛陳蔡鄭許于

號二十三年昭十年晉平公卒使如晉葬平公二十四年昭十一年楚

圍蔡秋我會諸侯之大夫晉魯齊宋衛鄭莒于厥憇謀救蔡二十六年

昭十三年公會周劉子諸侯晉魯齊宋衛鄭莒邾滕薛杞小邾于平邱二十七年昭十三年

春三月公薨秋葬公左傳謚曰武在位二十七年

平公 悼公

平公名湏武公之子也武公薨公即位公四年昭十八年春三

月薨秋七月葬謚曰平在位四年平公薨子悼公午即位公三

年昭二十一年宋華氏叛大夫翰胡會晉齊衛救宋四年昭二十三年

尚史 曹滕杞薛世家卷九 七

夏四月景王崩悼王立王子朝作亂冬十月悼王崩敬王立王
居于狄泉七年昭二十五年我會諸侯之大夫晉魯宋衛鄭邾滕薛小邾于黃父

謀王室明年王入于成周王子朝出奔楚九年昭二十七年我會諸

侯之大夫晉宋衛邾滕于扈戊周冬十月公薨明年春三月葬公左

傳謚曰悼在位九年

聲公 隱公 靖公

聲公名野悼公之弟也悼公薨公即位公五年昭三十二年我

會諸侯之大夫晉魯齊宋衛鄭邾滕杞小邾城成周左是年平公弟通弑之

代立是為隱公史記世家隱公四年定四年公會周劉子諸侯晉宋蔡衛陳鄭

許莒邾頓胡滕薛杞小邾齊于召陵侵楚夏五月盟于臯鼫是年聲公弟露

弑之露自立是為靖公靖公四年定八年春三月公薨秋七月葬

公左傳謚曰靖在位四年史記譙周云春秋無其事檢系本及世家春秋悼伯卒弟露立謚靖公實

無聲公隱公○按此則城成周會召陵蓋皆靖公時今姑從史記

伯陽

伯陽靖公之子也靖公薨伯陽即位伯陽四年定十二年衛伐我克

郊五年定十三年衛伐我十年哀三年宋伐我十三年哀六年宋伐我十

四年哀七年宋人圍我鄭救之侵宋十五年哀八年春宋公伐我將

還褚師子肥宋大夫殿國人詬之子肥不行我師待之宋公聞之

怒命反之遂滅我以伯陽歸左事見公傳

贊曰曹與晉衛並封乃至微弱為諸侯之細德不足與抑隘于

勢邪伯陽納彊邪說背盟奸宋國以不祀豈天也哉教孫升木
固小人之態也

公五年
齊外莊十年 齊外莊十三年 齊外莊十四年

公六年
齊外莊十一年 齊外莊十二年 齊外莊十三年

公七年

公八年
齊外莊十二年 齊外莊十三年 齊外莊十四年

公九年
齊外莊十三年 齊外莊十四年 齊外莊十五年

公十年
齊外莊十四年 齊外莊十五年 齊外莊十六年

滕世家
始武王十三年終敬王三十五年凡六百三十
九年其先世系莫改自滕侯至隱公傳九世

滕侯 滕子 宣公 昭公

錯叔繡者文王之子也
左傳富辰曰管蔡邲霍魯衛毛册
邲雍曹滕畢原鄆郕文之昭也 初封

侯國于滕滕小莫傳其系魯隱公七年書滕侯卒
名謚 不載 十一年

滕侯朝魯及薛爭長薛侯曰我先封滕侯曰我周之卜正也薛

庶姓也我不可以後之魯乃長滕侯魯桓公二年朝魯稱子
杜預

注蓋為時王所黜
終春秋皆書子 魯莊公十六年滕子及諸侯
齊宋陳衛 鄭許滑 同盟

于幽十九年宋人執滕子嬰齊嬰齊者是為滕宣公宣公薨昭

公即位魯文公十二年公朝魯魯宣公九年秋八月昭公薨
左傳

文公

文公者昭公子或昭公弟經不載魯宣公九年昭公薨公即位

是年冬宋圍我我恃晉也文公元年宣十年宋伐我十四年成五年

春頃王崩簡王立二十二年成十年我會諸侯晉魯齊宋衛鄭曹邾伐秦二

十五年成十年夏四月公薨左傳謚曰文在位二十五年

成公

成公名原系未詳文公薨公即位公三年襄元年我會諸侯之

大夫晉魯齊宋衛曹邾邾薛圍宋彭城秋九月簡王崩靈王立四年襄一

會諸侯之大夫晉魯齊宋衛曹邾邾薛小邾于戚七年襄五年公會諸侯晉魯宋陳衛鄭

曹邾邾于戚冬成陳八年襄六年公朝魯十一年襄九年冬公會諸

侯晉魯宋衛曹邾邾薛于戲十二月同盟于戲十二年襄十年公會諸

侯前諸侯會吳于柰秋公會伐鄭十三年襄十一年公會伐鄭秋七月

同盟于亳九月復會伐鄭冬十二月會于蕭魚十六年襄十四年我

會諸侯之大夫晉魯齊宋衛鄭曹邾邾薛小邾會吳于向夏四月會伐秦二

十年襄八年公會諸侯晉魯宋衛鄭曹邾邾薛小邾同圍齊二十一年襄九年諸

侯盟于祝柯齊及晉平二十二年襄十年公會諸侯前諸侯盟于澶

淵二十六六年襄十四年公會諸侯前諸侯于夷儀謀伐齊二十七年

五年襄二十五年公會諸侯前諸侯于夷儀齊成秋八月同盟于重邱二十

九年襄二十七年宋向戌請弭諸侯之兵春公會諸侯之大夫晉楚魯齊

秦蔡衛陳鄭許曹邾于宋秋七月諸侯之大夫盟于宋時邾屬齊滕屬宋邾滕皆不與盟故

經不書會三十年襄二十八年冬十二月靈王崩簡王立三十一年襄二十九

史記

年 我會諸侯之大夫 晉魯齊宋衛鄭曹莒薛小邾 城杞三十二年 襄三 我及

諸侯之大夫 晉齊宋衛鄭曹莒邾薛杞小邾 會于澶淵宋災故三十三年 襄三十一

年 魯襄公卒冬十月公如魯會葬三十六年 昭三 春正月公薨

夏五月葬公 左傳 謚曰成在位三十六年

悼公

悼公名寧 系未詳 成公薨公即位公元年 昭四年 公及諸侯 楚蔡

陳鄭許徐頓胡沈小邾宋 淮夷會于申七年 昭十年 晉平公卒秋九月我如晉

會葬十年 昭十年 公會周劉子諸侯 晉魯齊宋衛鄭曹莒邾薛杞小邾 于平邱秋

八月同盟于平邱十九年 昭二十年 夏四月景王崩悼王立王子

朝作亂冬悼王崩敬王立二十二年 昭二十年 我會諸侯之大夫

晉魯宋衛鄭曹邾薛小邾 于黃父謀王室二十三年 昭二十六年 晉納王王入于

成周王子朝奔楚二十四年 昭二十七年 我及諸侯之大夫 晉宋衛曹邾

會于扈成周一十五年 昭二十八年 秋七月癸巳公薨冬葬公 左傳

謚曰悼在位二十五年

頃公

頃公名結 系未詳 悼公薨公即位公八年 定四年 公會周劉子

諸侯 晉魯宋衛陳鄭許曹莒邾頓胡薛杞小邾齊 于召陵侵楚夏五月盟于臯澠十

九年 定十五年 魯定公卒公如魯會葬二十一年 哀二年 公如魯朝二

十三年 哀四年 秋八月甲寅公薨冬十二月葬公 左傳 謚曰頃在

位二十三年

尚史

曹滕杞薛世家卷九

七

隱公 定公 文公

隱公名虞母系未詳頃公薨公即位公七年哀十一年秋七月辛

酉公薨冬十一月葬公左傳謚曰隱在位七年其後有定公定

公子文公上同祖謚必有一誤定公薨文公問于孟子定三年之喪又使

畢戰問井地孟子滕薛騶騶即夏殷周之間封也小不足齒列故

莫知其事之終史記世家

贊曰考周之封其大小輕重以功不以親故曹滕不得視齊宋
足以見聖王大同之量也雖然德樹于前報食于後湯以七十
里文王百里滕雖小顧不及百里哉服屬于宋不振而隨終其
世無所建立固哉

杞世家始武王十三年終定王二十四年凡六百七十八年東樓公至謀娶公系年莫攷自武公至簡公傳十六世

東樓公 西樓公 題公 謀娶公

東樓公者夏后禹之後苗裔也殷時或封或絕周武王克殷紂
求禹之後得東樓公封之于杞爵為侯以奉夏后氏祀索隱東樓公謚

號也不名者史失耳東樓公生西樓公西樓公生題公題公生謀娶公謀

娶公當周厲王時自武王至厲王二百四十年而東樓至謀娶裁四世誤謀娶公生武公

按春秋武公二十九年為魯隱公元年謀娶公既當厲王史記時則厲王下距魯隱百六十年謀娶公之下接武公亦誤世家

武公二十九入春秋

武公名系未詳元年魯惠公十九年也武公二十九年魯隱公即位故知元年當惠公十九年

尚史 曹滕杞薛世家卷九

二十九年魯隱公即位杜氏年表三十一年隱三年春三月平王崩桓

王立三十二年隱四年莒人伐我取牟婁周封杞居雍邱後遷東國牟婁東邑也四

十一年桓二年公如魯朝不敬公歸魯謀伐我秋九月魯入杞四

十二年桓三年我求成于魯夏六月公會魯侯于郕史記索隱州國名杞後改

國號曰州而稱淳于公春秋桓五年經去州公如曹傳云淳于公如曹是也此說非是○按桓三年會郕十二年盟曲池皆稱杞何獨于五年稱州四十七年桓八年公薨左傳謚曰武在位四十

七年

靖公

靖公名未詳武公子也武公薨公即位公四年桓十二年公會魯

侯莒子盟于曲池魯平莒于我也武公時莒人取杞牟婁故七年桓十五年春三

月桓王崩莊王立二十二年莊十年莊王崩僖王立經傳二十三

年莊十三年公薨左傳謚曰靖在位二十三年

共公 惠公

共公名未詳靖公子也靖公薨公即位公四年桓十二年僖王崩

惠王立八年莊二十一年公薨惠公即位惠公生成公及桓公系古本史

考同史記世家脫惠公成公而有德公誤惠公四年莊二十五年逆伯姬于魯史記索隱

年杞成公娶魯女有昏姻之好誤當是惠公六年莊二十七年魯侯會伯姬于洮冬伯姬

如魯公如魯朝經于是年稱伯十八年僖五年伯姬如魯公子朝

于魯經書杞伯姬來朝其子蓋即成公也是年公薨左傳謚曰惠在位十八年

成公

成公 名未詳 惠公之子也惠公薨公即位公三年 僖八年 閏月

惠王崩襄王立十八年 襄二十三年 冬十一月公薨 左杜預注成公傳行夷禮以終

其身故于其卒 謚曰成在位十八年

桓公

桓公名姑容成公之弟也成公薨公即位公四年 僖二十七年

公如魯朝用夷禮 經貶稱子 魯甲我謂我不共秋入我五年 僖二十八年

伯姬如魯 即前惠公夫人 八年 僖三十一年 伯姬如魯求婦遂聘子叔姬十

八年 文八年 秋八月襄王崩頃王立二十二年 文十二年 公如魯朝 經稱

伯舍夷禮故 且請絕子叔姬而以其娣為夫人二月子叔姬卒二十

四年 文十四年 春頃王崩匡王立三十年 宣二年 冬十月匡王崩定王

立五十年 成四十四年 公如魯朝五十一年 成五十四年 夫人叔姬 即子叔姬娣 歸

于魯冬十二月公會諸侯 晉魯齊宋衛鄭曹邾 同盟于蟲牢鄭服故十一

月定王崩簡王立五十二年 成七十四年 楚伐鄭公會諸侯 晉魯齊宋衛曹邾

救鄭秋八月同盟于馬陵五十四年 成八十六年 夫人叔姬卒于魯五

十五年 成九十八年 公如魯逆夫人叔姬之喪以歸公會諸侯 晉魯齊宋衛鄭

曹邾 同盟于蒲六十四年 成一百一十年 晉悼公即位公如魯朝問晉故魯

侯以晉君語之公于是驟朝于晉而請為昏六十五年 襄元年 晉

伐鄭我及東諸侯 魯齊曹邾 次于郟以待晉師晉以郟之師侵楚及

陳秋九月簡王崩靈王立七十年 襄六十六年 春三月公薨秋葬公 左傳

謚曰桓在位七十年

孝公

孝公名句桓公之子也桓公薨公即位公三年襄九年冬公會

諸侯晉魯宋衛曹莒邾滕薛小邾齊伐鄭同盟于戲十二月復伐鄭四年襄

年公會諸侯前諸侯會吳于祖秋公會諸侯前諸侯伐鄭五年襄十

公復會伐鄭秋同盟于亳城北復會伐鄭鄭成會于蕭魚八年

襄十四年我會諸侯之大夫晉魯齊宋衛鄭曹莒邾滕薛小邾會吳于向夏四月會

伐秦十年襄十六年公會諸侯晉魯宋衛鄭曹莒邾薛小邾于溴梁大夫盟齊高

厚逃歸十二年襄十八年公會諸侯晉魯宋衛鄭曹莒邾滕薛小邾同圍齊明年諸

侯盟于祝柯十四年襄二十年公會諸侯晉魯齊宋衛鄭曹莒邾滕薛小邾盟于澶

淵齊成故十六年襄二十二年公會諸侯晉魯齊宋衛鄭曹莒邾滕薛小邾于沙隄十

七年襄二十二年春三月公薨夏葬公左傳謚曰孝在位十七年

文公

文公名益姑孝公弟孝公薨公即位公元年襄二十四年公會

諸侯晉魯宋衛鄭曹莒邾滕薛小邾于夷儀將以伐齊水不克二年襄二十五年復

會于夷儀伐齊齊弒莊公以成秋八月諸侯同盟于重邱五年

襄二十八年公如晉朝冬十二月靈王崩景王立六年襄二十九年晉合

諸侯之大夫城杞使魯歸我田公如魯盟經書子傳賤之也杜預注用夷禮也林堯

嬰注來盟皆大夫杞伯親之故賤之七年襄三十年我及諸侯之大夫晉魯齊宋衛鄭曹莒邾滕薛小

邾會于澶淵宋災故十四年昭六年春正月公薨夏葬公左傳謚

曰文在位十四年

平公

平公名郁釐文公之弟也文公薨公即位公元年昭七年晉使

魯歸我成成本杞四年昭十年晉平公卒我如晉會葬五年昭十一年

楚圍蔡我會諸侯之大夫晉魯齊宋衛鄭曹于厥憇謀救蔡七年昭十三年

公會周劉子諸侯晉魯齊宋衛鄭曹于平邱秋八月同盟于平

邱十六年昭二十一年夏四月景王崩悼王立王子朝作亂冬悼王

崩敬王立居于狄泉十八年昭二十四年秋八月公薨冬葬公左傳

謚曰平在位十八年

悼公

悼公名成平公之子也平公薨公即位公二年昭二十六年公

會諸侯齊魯莒邾盟于鄆陵謀納魯侯秋七月敬王入于成周王子

朝奔楚八年昭三十年我會諸侯之大夫晉魯齊宋衛鄭于狄泉

尋盟且城成周十二年定四年公會周劉子諸侯晉魯齊宋衛鄭

胡滕薛于召陵侵楚夏五月盟于臯鼬公薨于會秋七月葬公

左傳謚曰悼在位十二年

僖公

隱公名乞悼公之子也悼公十二年定四年悼公薨公即位秋

七月弟過弑隱公自立經傳是為僖公公二年定六年周儋翩

亂王處于姑猶明年王入于成周十九年哀八年冬十二月公薨

明年春二月葬公左傳謚曰僖在位十九年

閔公 哀公 出公 簡公

閔公名維史記世家作潁公 僖公之子也公十六年閔公弟闕路弑公

代立是為哀公燕周古史考作懿公 公立十年薨閔公子敕立是為

出公公十二年薨子簡公春立立四年楚惠王之四十四年滅

杞杞後陳亡三十四年史記史記簡公立十一年世家滅之誤當是四年

贊曰履癸不道自絕夏祀及武王封杞間代而興地小國弱君

臣無聞乃傳國且二十餘世美哉禹其勤德之酬乎逮至杞式

微而句踐伯猶之陳系絕而田和王雖物無兩大抑聖不卒斬

乎詩有之施于孫子本支百世

薛世家

始武王十三年終敬王三十五年凡六百三十八年奚仲至薛伯系年莫攷自獻公至惠公傳三世

奚仲 仲虺 薛侯 薛伯

薛皇祖奚仲也任姓夏時奚仲居薛為車正後遷于邳及夏末

仲虺為湯左相復居薛至周受侯爵魯隱公十一年薛侯及滕

侯如魯朝爭長薛侯曰我先封滕侯曰我周之卜正也薛庶姓

我不可以後之魯請于薛乃長滕然其名與謚經不書莊公三

十一年書薛伯卒自此以下皆書伯或黜或貶未詳 成公二年薛人及魯侯諸

侯之大夫楚秦宋陳衛鄭齊曹邾鄆 盟于蜀五年定王崩簡王立襄公元年

宋魚石叛薛人會諸侯之大夫晉魯宋衛曹莒邾滕 圍宋彭城秋簡王崩

靈王立二年薛人會諸侯之大夫晉魯齊衛宋曹邾滕小邾 于戚遂城虎牢

尚史

以偪鄭五年薛伯會諸侯晉魯宋陳衛鄭曹莒邾滕齊吳郟于戚九年薛伯會

諸侯晉魯宋衛曹莒邾滕杞小邾齊伐鄭鄭成同盟于戲十二月復伐之次于

陰口而還十年薛伯會諸侯前諸侯會吳于柎秋會伐鄭十一年

薛伯會伐鄭同盟于亳秋九月再伐鄭鄭成會于蕭魚十四年

我會諸侯之大夫晉魯齊宋衛鄭曹莒邾滕杞小邾會吳于向夏四月會伐秦

十六年薛伯會諸侯莒邾滕杞小邾于溴梁大夫盟十八年薛

伯會諸侯前諸侯圍齊明年盟于祝柯二十年薛伯會諸侯晉魯齊

衛鄭曹莒邾滕杞小邾盟于澶淵齊成故二十二年薛伯會諸侯晉魯齊

莒邾滕杞小邾于沙隨二十四年薛伯會諸侯晉魯宋衛鄭曹莒邾滕杞小邾于夷儀

將伐齊左以上世系傳名謚無考

獻公

獻公名穀薛自昭三十一年始書獻公穀卒獻公以上其系魯與名皆無考而獻公為某公子及即位年亦無考

襄公二十五年公會諸侯晉魯宋衛鄭曹莒邾滕杞小邾于夷儀秋八月同盟

于重邱二十八年靈王崩景王立二十九年我會城杞三十年

我會諸侯之大夫前諸侯于澶淵宋災故昭公十一年我會葬晉

平公十三年公會周劉子諸侯晉魯齊宋衛鄭曹莒邾滕杞小邾于平邱秋八

月同盟于平邱二十二年景王崩敬王立二十五年我會諸侯

之大夫晉魯宋衛鄭曹莒邾滕杞小邾于黃父三十一年夏四月丁巳公薨秋葬

公左傳謚曰獻年無考以魯紀之

襄公

尚史 曹滕杞薛世家卷九

襄公名定獻公之子也元年魯昭公之三十二年也秋七月我之宰會諸侯之大夫晉魯齊宋衛鄭曹莒杞小邾于狄泉尋盟且謀城成周

二年定元年會城成周薛嘗服役于宋至是宋仲幾不受功曰滕

薛邾即小邾吾役也薛宰曰宋為無道絕我小國於周以我適楚

故我常從宋晉文公為踐土之盟曰凡我同盟各復舊職若從

踐土若從宋亦唯命仲幾曰踐土固然言從踐土薛固為宋役薛宰曰薛

之皇祖奚仲居薛以為夏車正奚仲遷于邳仲虺居薛以為湯

左相若復舊職將承王官何故以役諸侯仲幾曰三代各異物

薛焉得有舊為宋役亦其職也爭之力晉執宋仲幾五年定四年

公會周劉子諸侯晉魯宋蔡衛陳鄭許曹莒邾頓胡滕杞小邾齊于召陵侵楚夏五月

盟于臯馳十三年定二年春公薨夏葬公左傳謚曰襄在位十二年

惠公

惠公名夷又名寅系未詳襄公之薨也比立比為襄公子與弟亦未詳比元年

定十三年夷弒比自立是為惠公公元年魯定公之十四年也十二

年哀十一年夏五月公薨秋葬公左傳謚曰惠在位十二年薛自惠公

以後其傳世其可知後滅於齊為莊公亦莫知其立年也

贊曰薛小父服屬宋及城成周而廼爭舊職論夏官未美

許大夫百里奉公弟新臣居許東偏使其大夫公孫復

許西偏莊公夢新臣入即位是為穆公穆公元年魯桓公十五年

年也是年桓王崩莊王立十六年莊王崩僖王立二十年

曹勝紀薛世宗卷十

尚史

魯公名定公之子也元年魯昭公之三十二年也秋七月
之軍會諸侯之大夫中書把小知于秋泉尋盟且謀城成周
二年秋會城成周齊魯服役于宋至是宋仲幾不受功曰
魯白弱小及邠魯宋文無為固而與齊善無歸其君未美
心為其善也其言味密知飲齊

辛平 襄王氏公薨葬葬公諡曰惠葬葬十二年葬自惠公
葬十 夷齊自自立長為惠公公元平魯安公之十四年也十二
武十 惠公又公黃精秦公之葬也出立與弟亦未若出元平
惠公

尚史
世家十
襄平李錯鐵君甫纂
其先世系莫攷自魯隱公十一年始見于經
終哀公十五年凡二百三十二年傳八世
莊公隱十一年 穆公
見春秋

尚史

許世家

其先世系莫攷自魯隱公十一年始見于經
終哀公十五年凡二百三十二年傳八世

許姜姓大嶽神農之後益男爵也經于會盟皆書國微其世系
史不載莫攷其始封當桓王時為莊公亦莫知其立年隱十一年鄭

魯齊伐許遂入許莊公奔衛齊以許讓魯魯不受乃與鄭鄭使

許大夫百里奉公弟新臣即許叔居許東偏使其大夫公孫獲處

許西偏莊公薨新臣入即位是為穆公穆公元年魯桓公十五

年也是年桓王崩莊王立十六年莊十一年莊王崩僖王立二十年

尚史 許莒邾小邾世家卷十

尚史

許莒邾小邾世家卷十

莊十公會諸侯齊魯宋陳衛鄭滑滕同盟于幽二十一年莊十僖王崩惠

王立三十三年莊二十鄭人侵我四十二年僖四公會諸侯齊魯

宋陳衛鄭曹侵蔡蔡潰遂伐楚次于陘夏公薨于師秋八月葬公以

侯禮左傳凡諸侯薨于朝會左傳謚曰穆在位四十二年加一等死王事加二等

僖公

僖公名業所出未詳穆公薨公即位公元年僖五公及諸侯齊魯

宋陳衛鄭曹會王世子于首止秋八月諸侯同盟于首止鄭伯逃歸

不盟二年僖六諸侯伐鄭秋楚圍我以救鄭諸侯遂救我冬蔡

侯將公以見楚子于武城公面縛銜璧大夫衰經士與櫬楚子

親釋其縛受其璧而後之焚其櫬禮而命之使復其所三年僖七

年閏月惠王崩襄王立懼王子帶之難不發喪明年公會王人

諸侯齊魯宋衛曹陳盟于洮謀王室五年僖九公會宰周公諸侯齊魯

鄭曹于葵邱秋九月諸侯盟于葵邱六年僖十公及齊侯伐北戎

九年僖十公會諸侯齊魯宋陳衛鄭曹于鹹謀王室為我難故秋諸侯

成周十一年僖十楚人伐徐公會諸侯前諸盟于牡邱遂次于

匡諸侯之大夫救徐十二年僖十公會諸侯齊魯宋陳衛鄭曹于淮十

七年僖二十公及楚宋陳蔡鄭會于孟楚執宋公以伐宋二十

三年僖二十公及楚陳蔡鄭圍宋二十四年僖二十晉會諸侯

救宋及楚人戰于城濮楚師敗績冬諸侯遂圍我二十九年僖三

十三年晉陳鄭伐我三十四年文五冬十月公薨明年春葬公

尚史 許莒邾小邾世家卷十

二

二

左傳 謚曰僖在位三十四年

昭公

昭公名錫我系未詳僖公薨公即位公二年文七年公會諸侯

齊宋衛陳鄭曹晉大夫盟于扈文八年秋八月襄王崩頃王立四年

文九年楚人伐鄭我會晉魯宋衛救鄭九年文十四年春頃王崩匡王

立夏六月公會諸侯魯宋陳衛鄭曹晉趙盾同盟于新城十年文十五年公

會諸侯晉宋衛蔡陳鄭曹盟于扈十五年宣二年冬十月匡王崩定王立

二十五年宣十年晉楚戰于邲晉師敗績公及鄭伯如楚三十年

宣十七年春正月公薨夏葬公左傳謚曰昭在位三十年

靈公

入郟十九年定六年春正月鄭滅我以斯歸左傳斯無謚在位十九

年王卒蓋行彭名御戎蔡侯為左公為右二君弱皆強之

元公晉魯請盟冬十一月公及楚大夫魯侯蔡侯諸侯

元公名成系未詳鄭之滅許也成即位是為元公公十年哀元年

公及楚陳隨圍蔡二十二年哀十三年夏公薨秋葬公左傳謚曰元

在位二十二年許後事不載莫知所終皇成鄭請成于晉又

贊曰宋衛陳鄭之火也陳不救火許不弔災君子知陳許之先

亡也及楚滅陳先三十年而鄭滅許許雖三遷庸能免乎不白

樹德庇楚無濟也孫申之封

昭公四年公薨於扈

尚史

許苦鄭小邾世家卷之十

簡王崩靈王立二十二年襄三年冬晉伐我事楚不與諸侯會盟故三十五

年襄十年公請遷于晉諸侯遂遷我大夫不可諸侯伐我次于函

氏晉及楚師戰于湛阪楚師敗績晉復伐我而還四十二年襄十四年

諸侯將伐齊公及楚蔡陳伐鄭以救齊四十五年襄十四年

公如楚請伐鄭曰師不與孤不歸矣秋八月薨于楚楚子曰不

伐鄭何以求諸侯冬十月楚伐鄭十二月涉于汜而歸而後葬

公左傳謚曰靈在位四十五年

悼公

大子止附

悼公名買系未詳靈公薨公即位公元年襄二十七年宋弭諸侯

之兵夏我會諸侯之大夫晉楚魯蔡衛陳鄭曹于宋秋七月盟于宋二年

襄二十八年冬十二月靈王崩景王立公如楚會楚子卒明年公送

葬至于西門之外六年昭元年我會諸侯之大夫晉楚魯齊宋衛陳蔡鄭曹于

號九年昭四年我及諸侯楚蔡陳鄭徐滕頓胡沈小邾宋淮夷會于申秋七月楚

以諸侯伐吳執齊慶封殺之遂滅賴遷賴于鄢楚子欲遷我于

賴使大夫城之而還十年昭五年我及諸侯楚蔡陳頓沈徐越伐吳十四

年昭九年楚遷我于夷取州來淮北之田以益之伍舉授公田十

五年昭十年秋九月我如晉會葬晉平公十六年昭十一年楚滅蔡遷

我于荆十八年昭十三年楚平王即位復我于葉二十三年昭十八年楚

王子勝曰許鄭仇敵也晉鄭方睦鄭若伐許而晉助之楚喪地

矣君盍遷許葉在楚國方城外之蔽也土不可易國不可小許

尚史 許莒邾小邾世家卷十

不可俘讎不可敬君其圖之冬楚遷我于白羽即二十四年昭
九年夏公癯五月戊辰飲大子止之藥薨大子奔晉穀梁止曰我
立乎君位以與其弟廸哭泣歡飭粥噍不容粒未冬葬公左傳
踰年而死又曰許世子不知嘗藥累及許君也

許男斯

許男斯大子止之弟悼公之弒也大子止奔晉斯即位斯三年
昭二十二年夏四月景王崩悼王立王子朝作亂冬悼王崩敬王立
昭二十四年昭二十吳伐州來楚以我及諸侯之師奔命救州來吳敗
我及諸侯之師于雞父七年昭二十冬十月敬王入于成周王
子朝奔楚十七年定四夏六月我遷于容城冬十一月吳破楚

莒世家

其先世莫攷自魯隱公二年始見于經終
哀公十四年凡二百四十一年傳九世

莒子

茲平公

紀公

大子季佗

渠邱公

莒已姓夷也爵為子其先世無傳漢志莒故國平王時見莒子

莒子娶于向向小

向小向姜

不安莒而歸魯隱公二年莒人入向以

姜氏還莒魯有怨紀既昏于魯使其大夫裂繻與莒子盟于密

以平魯也紀姜

姓國

四年我伐杞取奔婁八年我及魯侯盟于浮來

以成紀好也桓公十二年莒子會魯侯杞子盟于曲池十五年

桓王崩莊王立莊公十年齊滅譚譚子來奔十二年莊王崩僖

王立十七年僖王崩惠王立十九年魯大夫姜氏來二十年姜

氏來二十七年大夫慶如魯逆叔姬莊公

女

閔公二年魯公子慶

父弒閔公來奔魯以賂求慶父我歸之僖公元年我求賂于魯
魯敗我于鄆獲弟拏八年惠王崩襄王立二十五年衛人平我
于魯冬十二月大夫慶會魯侯衛侯盟于洮二十六年莒子會
衛甯速盟于向莒子者是為茲平公茲平公名期其立亦莫詳
何時二十八年莒子會諸侯晉魯齊宋 蔡鄭衛盟于踐土冬會于温天
王狩于河陽諸侯遂圍許文公七年徐伐我我如魯請盟魯公
孫敖來涖盟八年襄王崩頃王立十四年頃王崩匡王立其後
有紀公紀公名庶其生太子僕又生季佗愛季佗而黜僕且多
行無禮于國十八年冬十月僕因國人以弒紀公以其寶玉奔
魯季佗即位季佗元年魯宣公之元年也二年莊王崩定王立

其後又有渠邱公渠邱公名朱季佗之卒渠邱公之立皆莫詳
其年莒郊相怨四年魯齊平我及郊我不肯魯伐我取向我恃
晉而不事齊十三年齊伐我成公五年定王崩簡王立七年莒
子會諸侯晉魯齊宋 衛曹邾杞伐鄭秋八月同盟于馬陵八年魯公孫嬰
齊來聘秋晉使巫臣如吳假道于我與渠邱公立于池上曰城
已惡公曰辟陋在夷其孰以我為虞對曰夫狡焉思啟封疆以
利社稷者何國蔑有唯然固多大國矣唯或思或縱也勇夫重
閉况國乎九年公會諸侯晉魯齊宋 衛鄭曹杞同盟于蒲冬楚伐我圍渠
邱渠邱城惡衆潰奔莒楚入渠邱莒人囚楚公子平楚人曰勿
殺吾歸而得莒人殺之楚師圍莒莒城亦惡莒潰楚遂入鄆莒別

尚史

許莒邾小邾世家卷十

二

十四年春正月渠邱公薨左傳莒夷無諡以上皆莫詳其年以魯紀年云

犁比公

展輿附

犁比公名密州字買朱鉏渠邱公薨犁比公即位元年魯成公十五年也宋魚石叛五年襄元我會諸侯之大夫晉魯宋衛曹邾滕薛圍

宋彭城秋九月簡王崩靈王立七年襄三公會周單子諸侯晉

宋衛鄭同盟于雞澤八年襄四我及邾伐鄭九年襄五公會諸

侯晉魯宋陳衛鄭曹邾滕薛齊吳鄭于戚會吳且戍陳十年襄六我滅鄭公羊莒女

有為鄭夫人者蓋欲立其出也注世子巫者鄭前夫人之子與魯襄公俱為莒外孫時莒女嫁為鄭後夫人夫人無男有女還嫁之與莒有外孫鄭子愛後夫人而無子欲立其外孫穀梁莒人滅鄭非滅也立異姓以莅祭祀滅亡之道也十一年

襄七楚圍陳公會諸侯晉魯宋陳衛曹邾于鄆以救之十二年襄八我

伐魯東鄙以疆鄆田十三年襄九公會諸侯晉魯宋衛曹邾滕薛杞小邾齊伐

鄭冬十一月同盟于戲十二月復伐鄭十四年襄十公會諸侯

前諸侯會吳于柰秋我伐魯東鄙是年復會伐鄭戍鄭虎牢十五

年襄十夏復會伐鄭秋七月同盟于亳九月復悉師以伐鄭鄭

成冬十二月會于蕭魚十六年襄十我伐魯東鄙圍台魯季孫

宿入我鄆取鐘以為其君盤十八年襄十我會諸侯之大夫前諸

侯會吳于向夏會伐秦衛人逐其君冬我會諸侯之大夫晉魯

鄭于戚謀定衛二十年襄十公會諸侯晉魯宋衛鄭曹邾滕杞小邾于溴梁

晉執公及邾子以歸侵魯故且曰通齊楚之使已而釋之子經

許莒邾小邾世家卷十

傳不襄十年公會諸侯前諸侯同圍齊明年諸侯盟于祝

柯二十四年襄二十年及魯平會魯盟于向夏公會諸侯晉魯齊宋衛鄭曹邾

滕薛杞盟于澶淵二十五年襄二十一年晉欒盈叛公會諸侯晉魯齊宋衛鄭曹邾

衛鄭曹邾于商任錮欒氏也明年復會于沙隨二十七年襄二十三年齊

侯伐晉還不入遂襲我門于且于莒傷股而退明日復戰獲其

大夫杞殖我請成二十八年襄二十四年齊伐我侵介根莒秋八月

公會諸侯晉魯宋衛鄭曹邾滕薛杞小邾于夷儀將伐齊楚伐鄭以救齊諸侯

還救鄭二十九年襄二十五年夏五月公朝于齊齊崔杼弑莊公立

其弟景公景公與其大夫及公盟公還自齊會諸侯前諸侯伐齊

齊成秋七月同盟于重邱三十二年襄二十八年冬十二月靈王崩

景王立三十三年襄二十九年我會城杞三十四年襄三十年我及諸侯

之大夫晉魯齊宋衛鄭曹邾滕薛杞小邾會于澶淵宋災故犁比公生去疾及

展與既立展與又廢之犁比公虐國人患之三十五年襄三十一年

冬十一月展與因國人以攻公弑之乃立左犁比公在位三十

五年

著邱公

著邱公名去疾犁比公之子也展與既弑犁比公自立羣公子

召去疾于齊齊納去疾是為著邱公展與奔吳著邱公元年昭元年

年春魯伐我取鄆因我亂疆鄆田著邱公立而不撫鄆莒四年

昭四年鄆叛魯取鄆五年昭五年牟夷以牟婁及防茲奔魯牟婁防茲莒三

清

邑秋七月我討魯不設備魯敗我于蚡泉十年昭十年魯伐我取

鄭晉平公卒秋九月會葬晉平公十三年昭十年秋七月公會周

劉子諸侯晉齊宋衛鄭曹于平邱甲戌同盟于平邱我及邾人

愬于晉曰魯朝夕伐我幾亡矣我之不共魯故之以晉辭魯盟

執季孫意如以歸十四年昭十年秋八月公薨左傳在位十四年

郊公 共公

郊公者名任著邱公之子共公庚與者著邱公之弟也著邱公

十四年昭十年薨郊公不感國人弗順欲立庚與郊公惡公子鐸

而善于公子意恢大夫茲夫惡意恢而善于庚與冬十二月茲

夫殺意恢郊公奔齊公子鐸逆庚與于齊齊送之有賂田庚與

即位是為共公共公二年昭十年齊伐徐徐成二月我及徐子邾

人會齊侯于蒲畏齊討也五年昭十年齊師伐我入紀八年昭二

年齊師伐我公將戰大夫苑羊牧之不可弗聽敗齊師于壽餘

齊侯伐我公行成齊司馬甯來涖盟公如齊涖盟盟于稷門之

外國人于是大惡公夏四月景王崩悼王立子朝作亂冬十一

月悼王崩敬王立郊公元年昭二十年秋七月共公奔魯齊人納

郊公共公虐而好劔苟鑄劔必試諸人國人患之公又將叛齊

故大夫烏存帥國人以逐之郊公四年昭二十年公會齊魯邾杞

盟于鄆陵秋九月敬王入于成周子朝奔楚十年昭三十年我會

諸侯之大夫晉魯齊宋衛鄭于狄泉且城成周十四年定四年公

尚史

許莒邾小邾世家卷十

十

清

會周劉子諸侯晉魯宋蔡衛陳鄭許曹于召陵侵楚夏五月盟

于臯鼫三十九年哀十四年夏五月公薨左傳郊公在位三十九年共

公在位八年郊公以後事不載莫知其所終

贊曰莒邊齊故常屬齊然自魯文公以降所可紀載裁六七公

而庶其黜長密州詘少遂至弑父若讐何其易也

伐國入于晏大惡公夏四月景王崩制王立于陳於厲冬十一

齊封於公孫齊曰無罪來並盟公使齊並盟于野門之

入會齊封于衛齊大夫羊州之不河兼魏娘齊昭于壽綸

昭封于共公共公二年六年齊封于共六年齊封于共六年齊封于共六年

齊世家其光世莫攷自魯隱公元年始見于經終

邾世家哀公二十四年凡二百五十二年傳九世

邾子克

邾曹姓顓頊之後初為附庸莫詳其始封王沈魏書曹姓之先

陸終之子曰安是為曹姓周武王克殷封曹侯于邾顓頊真邾家

廟祀顓頊之孫祝融融孫安為曹姓其裔邾武公名夷甫字顓

其後數從齊桓尊周室平王命為子是為邾子克克字儀父亦

莫詳其立年隱公元年邾子及魯侯盟于蔑鄭伐衛請師于我

邾子使私于魯公子豫冬我及魯公子豫鄭人盟于翼邾地三年

平王崩桓王立五年宋人取我田先是宋伐鄭我告于鄭曰請

君釋憾于宋敵邑為道鄭人以王師會之伐宋入其郛七年魯

伐我為宋故桓公七年魯伐我十五年桓王崩莊王立夏世子如

魯朝經書人社預注附庸十七年邾子及魯侯盟于趙魯也秋魯

及宋衛伐我宋萬弒其君莊公十二年莊王崩僖王立十三年

我及齊侯宋陳蔡會于北杏以平宋亂十五年我及宋齊伐郕

十六年冬十二月邾子克薨左傳

邾子瑣 文公

邾子名瑣系未詳克薨瑣即位元年魯莊公十七年也是年僖王

崩惠王立十二年莊二十八年夏四月邾子瑣薨濼條即位是為文

公公六年閔二年魯慶父弒其君季友以公子申即僖公適我慶

父奔莒乃入立之哀姜來奔齊人取而殺之七年僖元年楚伐鄭

我會諸侯齊魯宋鄭曹于禋謀救鄭秋九月魯敗我師于偃我既送魯哀姜

還因成虛邱欲以侵魯既而齊歸哀姜之喪我懼乃歸魯要而敗之十三年僖七年閏月惠王崩襄

王立二十四年僖十年八年齊桓公卒宋公以我及曹衛伐齊納孝公

二十五年僖十年九年宋公曹人及我盟于曹南鄆子來會盟宋公使

公用鄆子于次睢之社二十七年僖二十一年我滅須句風姓國伏義之後魯

僖公母成風須句子奔魯冬魯伐我二十八年僖二十二年魯伐我

取須句反其君秋我以須句故出師魯不設備及我師戰于升

陘魯師敗績獲魯侯胄縣諸魚門三十四年僖二十八年冬我會諸

侯晉魯齊宋蔡鄭陳莒秦于温天王狩于河陽三十九年僖三十三年魯伐我

取訾婁我不設備秋復伐我魯既取須句我復滅之四十六年

文七年魯伐我取須句先是公之子叛而歸魯遂寘公之子以守

之四十七年文八秋八月襄王崩頃王立五十二年文十夏五月公薨左傳謚曰文在位五十二年

定公

定公名糺且文公元妃齊姜生糺且二妃晉姬生捷菑文公薨國人立糺且捷菑奔晉文公之薨也魯使弔焉不敬公元年文十

四年我討魯伐其南鄙春魯伐我是年頃王崩匡王立夏晉會

諸侯魯宋陳衛鄭許曹同盟于新城趙盾以諸侯之師八百乘納捷菑

于我我辭曰齊出糺且長趙盾乃還公在晉卻缺帥師革車八百乘以納捷菑于邾婁邾婁人言曰接菑晉出也糺且齊出也子以其指則捷菑也四糺且也六子以大國壓之則未知齊晉孰有之也貴則皆貴矣雖

然糺且也長卻缺曰非吾力不能納也義實不爾克也引師而去之六年宣元公朝魯七年宣二

冬十月匡王崩定王立二十三年宣十我戕鄆子于鄆自虛其居曰弑

自外曰戕二十五年成二我及魯侯諸侯之大夫楚秦宋陳衛鄭齊曹薛鄆盟于

蜀畏晉而竊與楚盟二十八年成五冬十一月定王崩簡王立十二月

公會諸侯晉魯齊宋衛鄭曹杞同盟于蝨牢鄭服也三十年成七楚伐鄭

公會諸侯晉魯齊宋衛鄭曹杞救鄭秋同盟于馬陵三十一年成八我會

晉魯齊伐邾三十六年成十我會諸侯晉魯齊宋衛鄭曹滕伐秦曹負芻

殺大子而自立三十八年成十我會諸侯晉魯齊宋衛鄭曹滕同盟于戚

討曹負芻冬會吳于鍾離三十九年成十我會諸侯晉魯齊宋衛鄭曹滕于

沙隨謀伐鄭七月會周尹子諸侯伐鄭四十年成十會伐鄭夏

六月同盟于柯陵冬復會伐鄭十二月公薨左傳定公之時有弑

其父者有司以告公瞿然失席曰是寡人之罪也曰寡人嘗學
斷斯獄矣臣弒君凡在官者殺無赦子弒父凡在官者殺無赦
殺其人壞其室洩其宮而豬焉蓋君踰月而後舉爵禮記謚曰
定在位四十年

宣公

宣公名係未詳定公薨公即位公元年成十八年秋公如魯朝

宋魚石以彭城叛冬公會諸侯晉宋衛魯齊同盟于虛打謀救宋二

年襄元年我會諸侯之大夫晉魯宋衛曹莒滕薛圍宋彭城夏晉伐鄭我會

魯齊曹杞次于鄆以待之遂侵楚焦夷及陳秋簡王崩靈王立

公如魯朝三年襄二年晉會侵鄭秋我會諸侯之大夫晉魯宋衛曹于

戚冬復會于戚遂城虎牢以偪鄭鄭成四年襄三年公會周單子

諸侯晉魯宋衛鄭莒齊同盟于雞澤大夫及陳袁僑盟五年襄四年我及

莒伐鄭魯救鄭侵我敗之于狐貽六年襄五年公會諸侯晉魯宋陳衛鄭

曹莒滕薛齊英鄆于戚冬成陳七年襄六年魯叔孫豹來聘且修平八年

年襄七年楚圍陳公會諸侯晉魯宋陳衛曹莒于鄆以救陳九年襄八年我會

晉侯鄭伯魯齊宋衛于邢邱十年襄九年冬公會諸侯晉魯宋衛曹莒滕薛

杞小邾齊伐鄭鄭成同盟于戲十二月復伐之十一年襄十年公會諸

侯前諸侯會吳于柰秋會伐鄭成鄭虎牢十二年襄十一年公會伐鄭

同盟于毫秋九月悉師以復伐鄭鄭成冬十二月會于蕭魚十

五年襄十四年我會諸侯之大夫晉魯齊宋衛鄭曹莒滕薛杞小邾會吳于向夏四

月會伐秦衛人逐其君冬我會諸侯之大夫晉魯宋衛鄭莒于戚謀定
衛十六年襄十五年我貳于晉伐晉南鄙魯告于晉十七年襄十六年晉
會諸侯于溴梁執公以歸十八年襄十七年春二月公薨左傳謚曰宣
在位十八年

悼公

悼公名華系未詳宣公十八年襄十七年薨公即位冬我伐魯南鄙

公元年襄十八年公會諸侯晉魯宋衛鄭莒莒滕薛杞小邾同圍齊二年襄十九年諸

侯盟于祝柯晉執公以我伐魯故遂疆魯田取我田自瀛水歸

之于魯三年襄二十年公會諸侯前諸侯盟于澶淵齊成故秋魯伐我

報我之驟至也驟至猶言數侵也四年襄二十一年晉欒盈叛冬公會諸侯

晉魯齊宋衛鄭曹莒于商任銅鞮氏明年冬復會于沙隨齊背盟伐晉七

年襄二十四年公會諸侯晉魯宋衛鄭曹莒滕薛杞小邾于夷儀將伐齊楚救齊伐

鄭諸侯還救鄭八年襄二十五年復會于夷儀伐齊齊弑其君以成

秋八月同盟于重邱十年襄二十七年宋弭諸侯之兵夏六月公會

諸侯晉楚魯宋齊秦鄭陳衛滕蔡許曹于宋秋七月諸侯之大夫盟于宋西門

之外十一年襄二十八年公如魯朝冬十一月靈王崩景王立十三

年襄三十年我及諸侯之大夫晉魯齊宋鄭曹衛莒滕薛杞小邾會于澶淵宋災故

十五年昭元年夏六月丁巳公薨秋葬公左傳謚曰悼在位十五

年

莊公

尚史

許莒邾小邾世家卷十

七

莊公名穿系未詳悼公薨公即位公元年昭十年晉平公卒我

如晉會葬十二年昭十年秋公會周劉子諸侯晉魯齊宋衛鄭曹

于平邱八月同盟于平邱我勗魯于晉晉辭魯侯盟執季孫意

如以歸十七年昭十年我襲邾入之盡俘以歸邾子曰余無歸矣

從帑于我公反邾夫人而舍其女邾夫人宋向戌之女也十八

年昭十年宋伐我圍蟲取之乃盡歸邾俘夏我及邾徐會宋公同

盟于蟲二十一年昭二十年夏四月景王崩悼王立子朝作亂冬

十月悼王崩敬王立二十二年昭二十年我城翼還將自離姑邾

四年昭二十年我會諸侯之大夫晉魯宋衛鄭于黃父謀王室魯

人逐其君二十五年昭二十年公會諸侯齊莒盟于鄆陵謀納魯

侯秋九月敬王入于成周子朝奔楚二十六年昭二十年我及諸

侯之大夫晉宋衛會于扈成周且納魯侯三十四年定三年春二

月辛卯公薨公嘗與大夫夷射姑飲酒私出闈乞肉焉奪之杖

以敲之及是公在門臺臨廷闈以瓶水沃廷公望見之怒闈曰

夷射姑旋焉旋小命執之弗得滋怒自投于牀廢于爐炭爛遂

薨公卞急而好潔故及是秋葬公先葬以車五乘殉五人左傳

謚曰莊在位三十四年

隱公 桓公 考公

隱公名益系未詳莊公三十四年定三年薨公即位冬公及魯大

向史 許莒邾小邾世家卷十

夫盟于拔拔即鄭公元年定四年春公會周劉子諸侯晉魯宋蔡衛陳鄭許

曹莒頓胡滕薛杞小邾齊于召陵侵楚夏五月盟于臯鼬十一年定十年魯侯

大蒐于比蒲公如魯會十二年定五年公如魯朝十四年哀二年魯

伐我將伐絞邾我愛其土賂以濶沂之田魯取濶東田及沂西

田及公盟于句繹十八年哀六年魯伐我十九年哀七年魯伐我入

之處公宮衆師盡掠我衆保于繹邾山在邾縣北師宵掠以公歸獻于

亳社以其亡國與殷同囚諸負瑕負瑕故有繹負瑕魯邑故有繹民在大夫茅夷

鴻請救于吳二十年哀八年吳伐魯齊又使如吳請伐魯魯乃歸

公公又無道吳討之囚諸樓臺榭之以棘使諸大夫奉大子草

以為政是為桓公公二年哀十年春二月隱公奔魯齊甥也遂

奔齊是年桓公會諸侯吳魯邾伐齊南鄙齊弒悼公乃還八年哀十

六孔子卒十年哀十八年敬王崩元王立十二年哀二十一年桓公及齊

侯魯侯盟于頡齊地隱公後元年哀二十二年夏四月隱公自齊奔越

曰吳為無道執父立子越人歸之桓公奔越後三年哀二十四年公

又無道越人執之以歸而立公子何大十草何亦無道左傳隱公

在位二十年後在位三年卒謚曰隱公十何後事不可考隱公

之曾孫為考公鄭康成禮記注考公之喪徐君使容居來弔含昭二十

滅徐此蓋曰寡君使容居坐含進侯王其使容居以含令不使

滅而復興稱王自比天子有司曰諸侯之來辱敝邑者易則易于則于

雜者未之有也易謂臣禮于謂君禮雜者容居容居對曰容居

聞之事君不敢忘其君亦不敢遺其祖昔我先君駒王徐先君西討濟于河無所不用斯言也容居魯人也魯魯不敢忘其祖

禮記檀弓

贊曰知魯鄰也然始終構難迭尋干戈雖朝會時有而協比不終兩執于晉不恤齊言宿怨之深也逮至隱公囚繫三國而怙惡不悛又其性夫人且奕棋其君知州之為邦也難已

曰吳為無道其父立干妣入體之酥公公於妣三平

封魯君盟于薛此則公對示平二平又及四氏則公自齊伐妣

六平卒十平八平婚王胤示王立十三平一平酥公及齊

齊長平酥公會齊君此於齊南此齊公及齊

小邾世家

其先世莫攷魯莊公五年始見于經終哀公十四年凡二百九年傳二世

小邾子 小邾穆公

小邾亦曹姓顓頊之後邾之別封故曰小邾又名邾顓頊家

之孫祝融融孫安為曹姓其裔邾武公初為附庸屬齊或屬宋

後爵為子國小其世系紀年皆不載所載者唯鄉犁來小邾穆

公犁來于莊公五年如魯朝十五年我叛宋宋齊邾伐我僖公

七年小邾子如魯朝始封子小邾穆公當魯襄公時襄公二年

我及諸侯之大夫會于戚遂城虎牢以福鄭左傳襄元年會于

晉之言故二年秋會于戚勝薛小邾皆不至晉初魯曰將請于齊若不得請事將在齊是年冬復會于戚齊崔杼及勝薛小

邾皆七年公如魯朝九年冬公會諸侯晉魯宋衛曹莒伐鄭十

尚史

許邾邾小邾世家卷十

大

二月同盟于戲十年公會諸侯前諸侯會吳于祖秋會伐鄭十一

年夏會伐鄭同盟于亳九月復會伐鄭鄭成會于蕭魚十四年

我諸侯之大夫前諸侯會吳于向夏會伐秦十六年公會諸侯

晉魯宋衛鄭曹于溴梁十八年公會諸侯前諸侯同圍齊十九年

諸侯還自沂上盟于祝柯二十年公會諸侯前諸侯盟于沙隨二十四年公會諸

侯前諸侯盟于澶淵二十二年公會諸侯前諸侯盟于沙隨二十四年公會諸

侯前諸侯盟于澶淵二十二年公會諸侯前諸侯盟于沙隨二十四年公會諸

侯前諸侯盟于澶淵二十二年公會諸侯前諸侯盟于沙隨二十四年公會諸

侯前諸侯盟于澶淵二十二年公會諸侯前諸侯盟于沙隨二十四年公會諸

侯前諸侯盟于澶淵二十二年公會諸侯前諸侯盟于沙隨二十四年公會諸

侯前諸侯盟于澶淵二十二年公會諸侯前諸侯盟于沙隨二十四年公會諸

懼其二又卑一賤焉逆羣好也其如舊而加敬焉宿從之十年

會葬晉平公丁三年公會周劉子諸侯前諸侯于平邱十七年公

如魯朝魯侯與之燕季孫意如賦采芣公賦菁菁者莪叔孫豹

曰不有以國其能久乎按傳自襄公二年至此皆為穆公穆公

在位當有四五十年其立與薨皆未詳其後魯昭公十九年小

邾及邾人徐人會宋公盟于蟲二十五年會黃父三十二年城

成周魯定公四年會召陵魯哀公四年宋執小邾子杜預注邾

其十四年小邾射以句繹奔魯皆莫知其為某公事也子無道于

公子曰邾甲仕宋黨華向昭公二十年華向之亂甲出奔鄭左

尚史

許莒邾小邾世家卷十 十九

